



---

*Doiciméad comhdhlúite reachtach*

---

14.11.2018

EP-PE\_TC1-COD(2017)0063

**\*\*\*|**

## **SEASAMH Ó PHARLAIMINT NA hEORPA**

arna ghlacadh ar an gcéad léamh an 14 Samhain 2018 chun go nglacfaí Treoir (AE) 2018/... ó Pharlaimint na hEorpa agus ón gComhairle maidir le húdaráis iomaíochta na mBallstát a chumhachtú le bheith ina bhforfheidhmitheoirí níos éifeachtaí agus chun dea-fheidhmiú an mhargaidh inmheánaigh a áirithiú.  
(EP-PE\_TC1-COD(2017)0063)

PE599.477v01-00

**GA**

*Aontaithe san éagsúlacht*

**GA**

## **SEASAMH Ó PHARLAIMINT NA hEORPA**

**arna ghlacadh ar an gcéad léamh an 14 Samhain 2018**

**chun go nglacfaí Treoir (AE) 2018/... ó Pharlaimint na hEorpa agus ón gComhairle maidir le húdaráis iomaíochta na mBallstát a chumhachtú le bheith ina bhforfheidhmitheoirí níos éifeachtaí agus chun dea-fheidhmiú an mhargaidh inmheánaigh a áirithiú.**

(Téacs atá ábhartha maidir le LEE)

**TÁ PARLAIMINT NA hEORPA AGUS COMHAIRLE AN AONTAIS EORPAIGH,**

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 103 agus Airteagal 114 de,

Ag féachaint don togra ón gCoimisiún Eorpach,

Tar éis dóibh an dréachtgníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa<sup>1</sup>

Ag gníomhú dóibh i gcomhréir leis an ngnáthnós imeachta reachtach<sup>2</sup>,

---

<sup>1</sup> IO C 345, 13.10.2017, lch 70

<sup>2</sup> Seasamh ó Pharlaimint na hEorpa an 14 Samhain 2018.

De bharr an méid seo a leanas:

- (1) Is leis an mbeartas poiblí a bhaineann Airteagail 101 agus 102 den Chonradh ar Fheidhmiú an Aontais Eorpaigh (CFAE) agus ba cheart iad a chur i bhfeidhm go héifeachtach ar fud an Aontais chun a áirithiú nach saobhfaí an iomaíocht sa mhargadh inmheánach. Is gá forfheidhmiú éifeachtach Airteagail 101 agus 102 CFAE chun a áirithiú go mbeidh margáí iomaíocha níos oscailte ***agus níos cothroime*** san Aontas, go mbeidh cuideachtaí ag iomaíocht iontu ar a mbuanna féin gan cuideachtaí bacainní ar dhul isteach sa mhargadh a chur suas, sa dóigh gur féidir leo rachmas a ghiniúint agus poist a chruthú. Tugann an forfheidhmiú sin cosaint don tomholtóir ***agus do ghnóthais atá gníomhach sa mhargadh inmheánach*** ar chleactais ghnó a choinneodh praghas na n-earraí agus na seirbhísí go hard ar dhóigh shaorga agus méadaíonn sé rogha an tomholtóra maidir le hearraí agus seirbhísí nuálacha.
- (2) Is iad údaráis iomaíochta náisiúnta (ÚINanna) na mBallstát a dhéanann forfheidhmiú poiblí Airteagail 101 agus 102 CFAE i gcomhthráth leis an gCoimisiún de bhun Rialachán (CE) Uimh. 1/2003 ón gComhairle<sup>1</sup>. Le chéile, is gréasán údarás poiblí iad na húdaráis iomaíochta náisiúnta agus an Coimisiún a chuireann rialacha iomaíochta an Aontais i bhfeidhm i ndlúthchomhar (an "Gréasán Eorpach Iomaíochta").

---

<sup>1</sup> Rialachán (CE) Uimh. 1/2003 ón gComhairle an 16 Nollaig 2002 maidir le cur chun feidhme na rialacha iomaíochta a leagtar síos in Airteagal 81 agus in Airteagal 82 den Chonradh (IO L 1, 4.1.2003, Ich. 1).

- (3) Le hAirteagal 3(1) de Rialachán (CE) Uimh. 1/2003 ceanglaítear ar na húdaráis iomaíochta náisiúnta (ÚINanna agus ar na cúirteanna náisiúnta Airteagail 101 agus 102 CFAE a chur i bhfeidhm ar chomhaontuithear iompraíocht a d'fhéadfadh difear a dhéanamh don trádáil idir na Ballstáit. Go praiticiúil, cuireann formhór na ÚINanna ┌ an dlí iomaíochta náisiúnta i bhfeidhm i gcomhthráth le hAirteagail 101 agus 102 CFAE. Dá bhrí sin, leis an Treoir seo, arb é is cuspóir di a áirithiú go bhfuil ag ÚINanna na ráthaíochtaí is gá maidir le neamhspleáchas, achmhainní agus cumhactaí forfheidhmiúcháin agus fineála le bheith in ann Airteagail 101 agus 102 CFAE a chur i bhfeidhm go héifeachtach, is léir go n-imreofar tionchar ar ┌ an dlí iomaíochta náisiúnta a chuireann ÚINanna i bhfeidhm i gcomhthráth.
- Ina theannta sin, agus an dlí iomaíochta náisiúnta á chur i bhfeidhm ag ÚINanna maidir leis na comhaontuithe nó na cleachtais chomhbheartaithe a d'fhéadfadh difear a dhéanamh don trádáil idir na Ballstáit, ní fhéadfaidh toradh éagsúil teacht as sin ná an toradh ar tháinig ÚIN air faoi dhlí an Aontais de bhun Airteagal 3(2) de Rialachán (CE) Uimh. 1/2003. Dá bhrí sin, i gcásanna den sórt sin ina ndéantar an dlí iomaíochta náisiúnta agus dlí an Aontais a chur i bhfeidhm go comhthráthach, is den riachtanas gurb ionann na ráthaíochtaí ag ÚINanna i dtaca le neamhspleáchas, achmhainní agus cumhactaí forfheidhmiúcháin agus fineála dá bhforáiltear faoin Treoir seo lena áirithiú nach mbeidh toradh éagsúil ann.*

- (4) Anuas air sin, tríd an gcumhacht a thabhairt do ÚINanna an fhaisnéis uile faoin ngnóthas atá faoi imscrúdú a fháil, lena n-áirítear i bhfoirm dhigiteach, gan beann ar an meán ina bhfuil sin stórailte, dhéanfadh difear do raon feidhme na gcumhachtaí atá ag ÚINanna tráth a ndéanann siad, go luath sna himeachtaí, an beart imscrúdaitheach cuí ar bhonn, █ an dlí iomaíochta náisiúnta a chuirtear i bhfeidhm i gcomhthráth le hAirteagail 101 agus 102 CFAE. Dá dtabharfaí do ÚINanna cumhachtaí iniúchta de raon feidhme éagsúil de réir mar a dhéanfaidís, ar deireadh thiар, █ an dlí iomaíochta náisiúnta amháin a chur i bhfeidhm nó Airteagail 101 agus 102 CFAE a chur i bhfeidhm freisin i gcomhthráth, laghdófaí éifeachtacht fhorsheidhmiú dhlí na hiomaíochta sa mhargadh inmheánach. Dá réir sin, ba cheart do raon feidhme na Treorach idir chur i bhfeidhm Airteagail 101 agus 102 CFAE ar bhonn aonair agus chur i bhfeidhm an dlí iomaíochta náisiúnta i gcomhthráth ar an gcás céanna a chumhdach. Maidir le cosaint na ráiteas trócaire agus na n-aighneachtaí socraíochta a bhaineann freisin leis an dlí iomaíochta náisiúnta arna chur i bhfeidhm ar bhonn aonair.

- (5) Mar sin féin, de dheasca an dlí náisiúnta tá a lán ÚINanna ann nach bhfuil na ráthaíochtaí riachtanacha acu maidir le neamhspleáchas agus cumhactaí forsheidhmiúcháin agus fíneála chun go mbeidís in ann na rialacha sin a fhorfheidhmiú go héifeachtach. Baineann sé sin an bonn ón gcumas atá acu chun Airteagail 101 agus 102 CFAE a chur i bhfeidhm go héifeachtach, agus █ an dlí iomaíochta náisiúnta a chur i bhfeidhm i gcomhthráth le hAirteagal 101 CFAE agus hAirteagal 102 CFAE de réir mar is iomchuí. Mar shampla, faoin dlí náisiúnta fágatar a lán ÚINanna gan uirlisí éifeachtacha chun fianaise a aimsiú maidir le sáruithe ar Airteagal 101 CFAE agus Airteagal 102 CFAE, nó chun fineáil a fhorchur ar chuideachtaí a bhris an dlí, nó níl acu ***neamhspleáchas oibríochtúil*** ná acmhainní ***leordhóthanacha daonna agus airgeadais*** chun Airteagail 101 agus 102 CFAE a chur i bhfeidhm go héifeachtach. Cuireann an méid sin cosc orthu aon ghníomhaíocht a dhéanamh nó cuireann sé iallach orthu a ghníomhaíocht forfheidhmiúcháin a theorannú. Mar gheall ar an easpa uirlisí oibríochtúla agus ráthaíochtaí atá ar a lán ÚINanna chun Airteagail 101 agus 102 CFAE a chur i bhfeidhm go héifeachtach, is amhlaidh gur féidir difear mór a bheith ann maidir leis na torthaí a bhíonn ar na himeachtaí a dhéantar i gcoinne gnóthais atá ag gabhál do chleachtais fhrithiomaíocha ag brath ar na Ballstáit ina bhfuil siad gníomhach: d'fhéadfadh nach mbeidís faoi réir aon ghníomhaíocht forfheidhmiúcháin faoi Airteagal 101 CFAE nó Airteagal 102 CFAE, nó d'fhéadfadh go mbeidís faoi réir ghníomhaíocht neamhéifeachtach forfheidhmiúcháin. Mar shampla, ní gá do ghnóthais i mBallstáit áirithe ach iad féin a athstruchtúrú chun dliteanais i leith fineálacha a sheachaint.
- (6) Mar gheall ar fhorfheidhmiú neamh-chomhsheasmhach Airteagail 101 agus 102 CFAE █ bíodh sé sin ar bhonn aonair nó i gcomhthráth leis an dlí iomaíochta náisiúnta, cailtear deiseanna chun deireadh a chur le bacáinní ar dhul isteach sa mhargadh agus chun margáí iomaíocha níos ***cóthróime*** a chruthú ar fud an █ Aontais, áit a rachadh gnóthais in iomaíocht le chéile bunaithe ar a mbuanna. Déantar an dochar is mó ina leith sin do ghnóthais agus do thomholtóirí sna Ballstáit sin inar laige na cumhactaí atá ag ÚINanna chun bheith ina bhforfheidhmitheoirí éifeachtacha. Ní féidir le gnóthais dul in iomaíocht bunaithe ar a mbuanna féin fad atá tearmainn ann inar féidir cleachtais fhrithiomaíocha a chur i gcrích toisc, mar shampla, nach féidir fianaise a bhailiú ar chleachtais fhrithiomaíocha nó toisc gur féidir le gnóthais dliteanas i leith fineálacha a sheachaint sna háiteanna sin. Is díspreagadh an méid sin orthu dul isteach i margáí den sórt sin agus chun leas a bhaint as na cearta atá acu chun gnó a bhunú agus earraí agus seirbhísí a sholáthar iontu. Na tomholtóirí atá lonnaithe i mBallstáit inar lú an forfheidhmiú, cailleann siad na

tairbhí a bhaineann le forfheidhmiú éifeachtach iomaíochta. Ar an dóigh sin, de dheasca forfheidhmiú neamh-chomhsheasmhach Airteagail 101 agus 102 CFAE agus █ an dlí iomaíochta náisiúnta, bíodh sé sin ar bhonn aonair nó i gcomhthráth leis an dlí iomaíochta náisiúnta, fud fad ***an Aontais***, saobhtar an iomaíocht sa mhargadh inmheánach agus baintear an bonn óna fheidhmiú cuí.

- (7) Baineann bearnaí agus laigí in uirlísí agus ráthaíochtaí ÚINanna an bonn ón gcóras cumhactaí comhchráthacha chun Airteagail 101 agus 102 CFAE a fhorfheidhmiú, córas atá ceaptha feidhmiú mar aonad comhtháite atá bunaithe ar dhlúthchomhar laistigh den Ghréasán Eorpach Iomaíochta. Cuid dhílis den chóras sin is ea na húdaráis a bheith in ann brath ar a chéile chun bearta bailithe fioras a dhéanamh thar ceann a chéile ***le gur féidir an comhar agus an cúnamh frithpháirteach a chothú i measc na mBallstát***. Ní oibríonn an córas sin go maith nuair is ann d'údaráis iomaíochta náisiúnta go fóill nach bhfuil uirlísí leordhóthanacha bailithe fioras acu. Níl na húdaráis iomaíochta náisiúnta in ann cúnamh frithpháirteach a thabhairt dá chéile i réimsí tábhachtacha eile ach oiread. Mar shampla, is amhlaidh, i bhformhór na mBallstát, go bhfuil gnóthais atá ag oibriú ar bhonn trasteorann in ann fineálacha a sheachaint ar an mbonn nach bhfuil láithreacht dhlíthiúil acu i gcinn áirithe de chríocha na mBallstát ina bhfuil siad gníomhach. Laghdaíonn sé sin na dreasachtaí atá acu chun Airteagail 101 agus 102 CFAE a chomhlíonadh. An ghníomhaíocht neamhéifeachtach forfheidhmiúcháin a thagann as sin, saobhann sí an iomaíocht do ghnóthais atá géilliúil don dlí agus baineann sí an bonn ón muinín atá ag tomholtóirí as an margadh inmheánach, go háirithe as an timpeallacht dhigiteach.

- (8) Ar mhaithe le limistéar comhchoiteann forfheidhmiúcháin iomaíochta a bheith ann dáiríre san Aontas, limistéar ina soláthrófar cothroime iomaíochta níos fearr do ghnóthais atá ag oibriú sa mhargadh inmheánach agus ina laghdófar dálaí míchothroma do thomhaltóirí, is gá ráthaíochtaí **bunúsacha** maidir le neamhspleáchas agus acmhainní **leordhóthanacha airgeadais, daonna, teicniúla agus teicneolaíocha** agus **ioschumhachtaí** forfheidhmiúcháin agus fineála a thabhairt isteach i leith Airteagail 101 agus 102 CFAE a chur i bhfeidhm agus an dlí iomaíochta náisiúnta ┌ a chur i bhfeidhm i gcomhthráth leis na hAirteagail sin ionas go mbeidh **na húdaráis iomaíochta náisiúnta riarcháin** lánéifeachtach.
- (9) Is iomchuí Airteagail 103 agus 114 CFAE araon a bheith mar bhunús dlí leis an Treoir seo. Is amhlaidh atá toisc go gcumhdaíonn an Treoir seo ní hamháin cur i bhfeidhm Airteagail 101 agus 102 CFAE agus cur i bhfeidhm ┌ an dlí iomaíochta náisiúnta i gcomhthráth leis na hAirteagail sin, ach go gcumhdaíonn sí freisin na bearnaí agus na heasnaimh a bhaineann leis na huirlísí agus na ráthaíochtaí atá ag ÚINanna chun Airteagail 101 agus 102 CFAE a chur i bhfeidhm, rud a dhéanann dochar don iomaíocht agus do dheafheidhmiú an mhargaidh inmheánaigh araon.

- (10) Ráthaíochtaí **bunúsacha** a thabhairt isteach chun a áirithiú go gcuirfidh ÚINanna Airteagail 101 agus 102 CFAE i bhfeidhm **go haonfhoirmeach agus** go héifeachtach, ní dochar an méid sin don chumas atá ag na Ballstáit chun ráthaíochtaí níos fairsinge maidir le neamhspleáchas agus acmhainní a choinneáil nó a thabhairt isteach le haghaidh **údarás iomaiochta náisiúnta riarracháin** agus chun rialacha níos mionsonraithe a choinneáil nó a thabhairt isteach maidir le cumhactaí forfheidhmiúcháin agus fineála na **n-údarás iomaiochta náisiúnta** sin. Go háirithe, féadfaidh na Ballstáit cumhactaí breise, nach gcuimsítear sa tacar bunaidh cumhactaí dá bhforáiltear sa Treoir seo, a thabhairt do ÚINanna chun a n-éifeachtacht a threisiú a thuilleadh, **amhail cumhactaí chun fineálacha a fhorchur ar dhaoine nádúrtha nó mar eisceacht air sin an chumhacht chun iniúchtaí a dhéanamh le toiliú na ndaoine sin atá faoi réir iniúchta.**

- (11) Os a choinne sin, tá rialacha mionsonraithe ag teastáil i réimse na gcoinníollacha maidir le trócaire a dheonú do chairtéil rúnda. Ní dhéanfaidh cuideachtaí an fhírinne lom ar na cairtéil rúnda ina raibh siad páirteach ach amháin i gcás ina bhfuil deimhneacht dhlíthiúil dhóthanach acu maidir le cé acu a dheonófar nó nach ndeonófar díolúine ó fhíneálacha dóibh. Mar gheall ar na difríochtaí suntasacha atá ann i measc na gclár trócaire is infheidhme sna Ballstáit, cruthaítar éiginnteacht dhlíthiúil d'iarratasóirí féideartha ar thrócaire agus d'fhéadfadh sé go lagófaí na dreasachtaí atá acu chun iarratas a dhéanamh ar thrócaire dá bharr sin. Dá bhféadfadh na Ballstáit rialacha trócaire ***níos soiléire agus níos comhchuibhithe*** a chur chun feidhme nó a chur i bhfeidhm sa réimse a chumhdaítear leis an Treoir seo, ní hé amháin go ***gcuirfeadh*** sé sin leis an gcuspóir atá ann chun na dreasachtaí d'iarratasóirí cairtéil rúnda a nochtadh a choinneáil ar mhaithe le forfheidhmiú iomaiochta san Aontas a dhéanamh chomh héifeachtach is féidir, ach dhéanfad sé an chothroime iomaiochta a ***rathú*** do ghnóthais atá ag oibriú sa mhargadh inmheánach freisin. Níor cheart an méid sin cosc a chur ar na Ballstáit cláir thrócaire a chur i bhfeidhm, lena gcumhdaítear ní hamháin cairtéil rúnda ach, ina theannta sin, sáruithe eile ar Airteagal 101  
█ CFAE agus forálacha █ coibhéisearcha ***an dlí iomaiochta náisiúnta, ní iarratais ar thrócaire a ghlaicadh ó dhaoine nádúrtha faoina n-ainm féin. Ina theannta sin, ní dochar an Treoir seo do chláir thrócaire nach ndéantar foráil iontu ach do dhíolúine ó smachtbhannaí in imeachtaí breithiúnacha coiriúla maidir le forfheidhmiú Airteagal 101 CFAE.***

- (12) Níl feidhm ag an Treoir seo maidir le dlíthe náisiúnta sa mhéid go bhforáiltear iontu maidir le smachtbhannaí coiriúla a fhorchur ar dhaoine nádúrtha, cé is moite de na rialacha lena rialaítear an t-idirghníomhú idir cláir trócaire agus forchur smachtbhannaí ar dhaoine nádúrtha. *Níor cheart feidhm a bheith ag an Treoir seo ach an oiread maidir le dlíthe náisiúnta lena bhforáiltear do smachtbhannaí riarrachán a fhorchur ar dhaoine nádúrtha nach n-oibríonn i margadh mar ghníomhaí eacnamaíoch neamhspleáach.*
- (13) *De bhun Airteagal 35 de Rialachán (CE) Uimh. 1/2003 féadfaidh na Ballstáit forsheidhmiú Airteagail 101 agus 102 CFAE a chur de chúram ar údarás iomaíochta riarracháin amháin, mar is amhlaidh i gcás fhormhór na ndlínsí, nó féadfaidh siad é sin a chur de chúram ar na húdaráis bhreithiúnacha agus ar na húdaráis riarracháin. Sa chás deireanach sin, is é an t-údarás riarrachán atá freagrach go príomha, ar a laghad, as an imscrúdú a dhéanamh agus is gnách go dtabharfar de chumhacht don údarás breithiúnach cinntí a dhéanamh maidir le fineálacha a fhorchur agus d'fhéadfadh a bheith de chumhacht aige cinntí eile a dhéanamh, amhail go ndearnadh sárú ar Airteagail 101 agus 102 CFAE.*

- (14) Ba cheart feidhmiú na gcumhactaí, *lena n-áirítear na cumhactaí imscrúdaitheacha*, a thugtar *trí bhíthin na Treorach seo* do ÚINanna a bheith faoi réir coimircí cuí a chomhlíonann ar a laghad caighdeáin phrionsabail ghinearálta dhlí an *Aontais* agus an Chairt um Chearta Bunúsacha an Aontais Eorpaigh, *i gcomhréir le cásdlí Chúirt Bhreithiúnais an Aontais Eorpaigh, go háirithe i gcomhthéacs na nósanna imeachta a d'fhéadfadh a bheith ina gcionsiocair le forchur pionós*. Áirítear ar na coimircí sin an ceart chun dea-riaracháin agus chun cosanta atá ag gnóthais a urramú, rud a bhfuil an ceart chun éisteacht a fháil ina ghné riachtanach de. Go háirithe, ba cheart do ÚINanna fógra a thabhairt do na páirtithe atá á n-imscrúdú faoi na réamhagóidí a rinneadh ina n-aghaidh faoi Airteagal 101 CFAE nó Airteagal 102 CFAE *i ráiteas agóidí nó i mbeart comhchosúil* sula ndéanfaidh siad cinneadh *go raibh sárú ann* agus ba cheart deis a thabhairt do na páirtithe lena mbaineann chun a dtuairimí ar na hagóidí sin a chur in iúl go soiléir sula ndéanfar aon chinneadh den sórt sin. Páirtithe ar tugadh fógra dóibh faoi réamhagóidí maidir le sárú líomhnaithe ar Airteagal 101 CFAE nó Airteagal 102 CFAE, ba cheart an ceart a bheith acu chun rochtain a fháil ar an gcáschomhad ábhartha de chuid ÚINanna ionas gur féidir leo leas éifeachtach a bhaint as na cearta cosanta atá acu.

Tá an ceart rochtana ar an gcomhad faoi réir an leasa dhlisteanaigh atá ag gnóthais a rúin ghnó a chosaint agus ní chumhdaíonn sé faisnéis rúnda agus doiciméid inmheánacha de chuid ÚINanna ná an Choimisiúin ná comhfshireagras idir na húdaráis iomaíochta náisiúnta agus an Coimisiún. Thairis sin, *i gcás cinntí ÚINanna, go háirithe na cinntí lena gcinntear go ndearnadh sárú ar* Airteagal 101 CFAE nó Airteagal 102 CFAE, *agus lena ndéantar leigheasanna nó fineálacha a fhorchur,* ba cheart an ceart a bheith ag *na seolaithe* chun leigheas éifeachtach os comhair binse, i gcomhréir le hAirteagal 47 de Chait um Chearta Bunúsacha an Aontais Eorpaigh. Ba cheart cinntí █ den sórt sin ó ÚINanna a bheith réasúnaithe ionas go mbeidh na seolaithe ar a bhfuil na cinntí sin dírithe in ann na cúiseanna leis an gcinneadh a thuiscint agus leas a bhaint as an gceart atá acu chun leigheas éifeachtach a fháil. *Thairis sin, i gcomhréir leis an gceart chun deariaracháin, ba cheart do na Ballstáit a áirithiú, agus Airteagail 101 agus 102 CFAE á gcur i bhfeidhm acu, go seolann ÚINanna imeachtaí laistigh de thréimhse ama réasúnach, ina gcuirtear san áireamh sainiúlachtaí gach cáis.* Ba cheart na cosaintí sin a bheith ceaptha ar bhealach ina mbaintear cothromaíocht amach idir cearta bunúsacha na ngnóthas a urramú agus an dualgas chun a áirithiú go bhforfheidhmeofar Airteagail 101 agus 102 CFAE go héifeachtach.

- (15) *Ba cheart malartú faisnéise idir ÚINanna agus úsáid na faisnéise sin i bhfianaise maidir le cur i bhfeidhm Airteagal 101 CFAE nó Airteagal 102 CFAE a dhéanamh de bhun Airteagal 12 de Rialachán (CE) Uimh. 1/2003.*

- (16) Gné riachtanach de chur i bhfeidhm éifeachtach aonfhoirmeach na rialacha iomaíochta an Aontais is ea cumhacht a thabhairt d'**údarás iomaíochta náisiúnta riarcháin** chun Airteagail 101 agus 102 CFAE a chur i bhfeidhm go neamhchlaonta agus ar mhaithe le forfheidhmiú éifeachtach na rialacha.
- (17) Ba cheart neamhspleáchas ***oibríochtúil údarás iomaíochta náisiúnta riarcháin*** a neartú chun cur i bhfeidhm éifeachtach aonfhoirmeach Airteagail 101 agus 102 CFAE a áirithiú. Chuige sin, ba cheart foráil shainráite a dhéanamh sa dlí náisiúnta chun a áirithiú go gcosnófar **údarás iomaíochta náisiúnta riarcháin**, le linn dóibh Airteagal 101 agus Airteagal 102 CFAE a chur i bhfeidhm, ar idirghabháil sheachtrach nó brú polaitiúil ar dóigh dó measúnú neamhspleách na n-údarás ar ábhair a thagann os a gcomhair a chur i mbaol. Chun na críche sin, ba cheart ***na forais*** a leagan síos roimh ré ***sa dlí náisiúnta i dtaca leo siúd a dhífhostú as an údarás iomaíochta náisiúnta, a mbíonn cinní á ndéanamh acu agus na cumhactaí á bhfeidhmiú acu dá dtagraítear in Airteagail 10, 11, 12, 13 agus 16 den Treoir seo***, chun deireadh a chur le haon amhras réasúnta atá ann maidir ***le*** neamhchlaontacht an údaráis █ agus maidir ***leis an údarás*** a bheith beag beann ar thosca seachtracha. ***Ar an gcaoi chéanna, ba cheart rialacha agus nósanna imeachta soiléire tréadhearcacha maidir le roghnú, earcú nó ceapachán na ndaoine sin a leagan síos roimh ré sa dlí náisiúnta. Thairis sin, chun go mbeidh neamhchlaontacht na n-údarás iomaíochta náisiúnta riarcháin ina bonn taca, níor cheart úsáid a bhaint as na fineálacha a fhorchuirfear maidir leis na sáruithe ar Airteagail agus 102 CFAE chun ÚINanna a mhaoiniú go díreach.***

- (18) Chun neamhspleáchas *oibríochtúil* na *n-údarás iomaíochta náisiúnta riarracháin* a áirithiú, ba cheart dá *gcinn feidhme*, dá bhfoireann agus *dóibh siúd a dhéanann cinntí* gníomhú go hionraic agus staonadh ó aon ghníomhaíocht nach luíonn le feidhmiú a ndualgas. *Ionas gur féidir* cosc a chur ar aon bhaol do neamhspleáchas an mheasúnaithe a dhéanfaidh *cinn*, foireann agus *iad siúd a dhéanann cinntí, ba cheart dóibh*, le linn a dtréimhse fostáiochta *nó* a dtéarma oifige agus ar feadh achar réasúnta ina dhiaidh sin, *staonadh ó aon ghairm neamhoiriúnach, bíodh an ghairm sin sochrach nó ná bíodh* █.
- (19) *Is éard is ciallaíonn sin* le linn a dtréimhse fostáiochta *nó* a dtéarma oifige, *nár cheart go mbeadh an fhoireann ná iad siúd a dhéanann cinntí in ann a bheith ag plé leis na himeachtaí forfheidhmithe Airteagal 101 CFAE nó Airteagal 102 CFAE a raibh siad féin gafa iontu nó ina bhfuil baint dhíreach ag na himeachtaí sin leis na gnóthais nó le comhlachais gnóthas a rinne iad a fhostú nó ina bhfuil siad gafa leo go gairmiúil ar dhóigh eile a mhéid a d'fhéadfadh sé sin cur as do neamhchlaontacht cáis shonraigh. Ar an gcaoi chéanna, níor cheart aon leas a bheith ag *an bhfoireann ná acu siúd a dhéanann cinntí ná ag a ngarghaolta* in aon ghnólachtaí nó eagraíochtaí *atá faoi réir imeachtaí forfheidhmithe Airteagal 101 CFAE nó Airteagal 102 CFAE a mbeidh siad rannpháirteach iontu* a mhéid a d'fhéadfadh sé sin cur as dá █ neamhchlaontacht *i gcás sonrach. Sa mheasúnú cibé an mbeidh a neamhchlaontacht lagaithe, ba cheart go gcuirfí san áireamh i ngach cás, cineál agus méid an leasa agus leibhéal na rannpháirtíochta den duine aonair lena mbaineann. I gcás inar gá neamhchlaontacht an imscrúdaithe agus an phróisis cinnteoireachta a áirithiú, ba cheart don duine aonair lena mbaineann é féin/ í féin a scaoileadh ón gcás sonrach.**

(20) *Ciallaíonn sé sin freisin ar feadh achar réasúnta tar éis dóibh an t-údarás iomaiochta náisiúnta riacháin a fhágáil, cibé uair a bhíonn iarfhoireann nó iad siúd a rinne cinntí gafa le gairm a bhaineann leis na himeachtaí maidir le cur i bhfeidhm Airteagal 101 CFAE nó Airteagal 102 CFAE lena raibh siad ag plé le linn a dtéarma fostaiochta nó le linn a dtéarma oifige, níor cheart go mbeidís rannpháirtíochta sa chás céanna sa ghairm nua a bheidh acu.*

*Féadfar fad na tréimhse sin a chinneadh ina gcuirfear san áireamh cineál na gairme nua de na daoine aonair lena mbaineann mar aon lena leibhéal rannpháirtíochta agus freagrachta sna himeachtaí sin le linn a dtréimhse fostaiochta nó a dtéarma oifige san údarás iomaiochta náisiúnta riacháin.*

(21) *Ba cheart do gach údarás iomaiochta náisiúnta riacháin cód iompair a fhoilsiú, gan dochar do rialacha náisiúnta níos déine a chur i bhfeidhm, ina gcumhdaítear rialacha maidir le coinbhleachtaí leasa.*

- (22) Ní choisceann neamhspleáchas *oibríochtúil údarás iomaíochta náisiúnta riacháin* athbhreithniú breithiúnach ná maoirseacht pharlaiminteach i gcomhréir le dlíthe na mBallstát. Cuireann ceanglais chuntasachta le creidiúnacht agus dlisteanacht gníomhaíochtaí *údarás iomaíochta náisiúnta riacháin* a áirithiú freisin. Sampla de cheanglas cuntasachta comhréireach is ea tuarascálacha tréimhsíúla maidir lena ngníomhaíochtaí a bheith á bhfoilsíú ag *údarás iomaíochta náisiúnta riacháin* do chomhlacht rialtais nó parlaiminteach. Féadfar *údarás iomaíochta náisiúnta riacháin* a chur faoi réir rialú ná faireachán maidir lena gcaiteachas airgeadais freisin, ar an gcoinníoll nach ndéanfaidh sé sin difear dá neamhspleáchas.

- (23) Ba cheart d'*údaráis iomaíochta náisiúnta riarcháin* a bheith in ann tosaíocht a thabhairt dá n-imeachtaí i leith fhorsheidhmiú Airteagail 101 agus 102 CFAE ionas go mbeidh siad in ann úsáid éifeachtach a bhaint as a n-acmhainní agus ionas go gcumasófar dóibh síriú ar iompraíocht fhrithiomáioch a shaobhann an iomaíocht sa mhargadh inmheánach a chosc agus ar agus deireadh a chur le hiompraíocht den sórt sin. Chuige sin, ba cheart dóibh a bheith in ann gearán a dhiúltú ar na forais nach saincheisteanna tosaíochta iad, *cé is moite de na cinn sin arna dtaisceadh ag na húdaráis phoiblí, ina ndéantar inniúlacht maidir le forfheidhmiú Airteagail 101 agus 102 CFAE agus dlí iomaíochta náisiúnta a roinnt le húdarás iomaíochta náisiúnta riarcháin i gcás inar iomchuí*. Ba cheart an méid sin a dhéanamh gan dochar don chumhacht atá ag *údaráis iomaíochta náisiúnta riarcháin* chun gearán a dhiúltú ar fhoraí eile, amhail an easpa inniúlachta, nó chun a chinneadh nach bhfuil aon fhoraí ann le gníomhaíocht ar a dtaobh féin. *I gcásanna gearán a chuirtear isteach go foirmiúil, bheadh diúltú den sórt sin faoi réir na leigheasanna éifeachtacha i gcomhréir leis an dlí náisiúnta.* Ní dhéanfaidh *an chumhacht atá ag údaráis iomaíochta náisiúnta riarcháin* chun tosaíocht a thabhairt dá n-imeachtaí forfheidhmiúcháin dochar don cheart atá ag rialtas Ballstáit chun *rialacha* nó treoirlínte beartais ghinearálta nó tosaíochta a eisiúint chuig na húdaráis iomaíochta náisiúnta *riarcháin* nuair is treoirlínte iad nach mbaineann le *fiosrúcháin earnála ná* le himeachtaí sonracha i leith fhorsheidhmiú Airteagal 101 CFAE agus Airteagal 102 CFAE.

- (24) Ba cheart do na húdaráis iomaíochta náisiúnta na acmhainní **leordhóthanacha**, ó thaobh **foireann cháilithe atá in ann na measúnaithe dlí agus eacnamaíocha a dhéanamh**, acmhainní airgeadais, **saineolas agus** trealamh teicniúil **agus teicneolaíoch lena n-áirítear uirlísí teicneolaíochta faisnéise leordhóthanacha** a bheith acu chun a áirithiú gur féidir leo a gcúraimí a fheidhmiú go héifeachtach le linn dóibh Airteagail 101 agus 102 CFAE a chur i bhfeidhm. I gcás ina leathnófar a ndualgais agus a gcumhachtaí faoin dlí náisiúnta, ba cheart acmhainní leordhóthanacha a bheith acu go fóill chun na cúraimí sin a fheidhmiú.
- (25) *Ba cheart go gcuircí le neamhspleáchas ÚINanna trína chumasú dóibh caiteachas na leithdháiltí buiséid a chinnidh go neamhspleách chun a gcuid dualgas a chomhlíonadh, gan dochar do na rialacha agus nósanna imeachta buiséadacha náisiúnta.*
- (26) *Chun a áirithiú go bhfuil na acmhainní riachtanacha ag na húdaráis iomaíochta náisiúnta riaracháin chun a gcuid cúraimí a chomhlíonadh, d'fhéadfai modhanna éagsúla maoinithe a mheas, amhail maoiniú ó fhoinsí malartacha seachas ó bhuiséad an stáit.*
- (27) *Iomas gur féidir faireachán éifeachtach ar chur chun feidhme na Treorach seo a áirithiú, ba cheart do na Ballstáit a áirithiú go ndéanfaidh na húdaráis iomaíochta náisiúnta riaracháin tuarascálacha tréimhsíúla maidir lena ngniomhaíochtaí agus lena n-acmhainní a chur faoi bhráid comhlacht rialtais nó parlaiminteach. Ba cheart go n-aireofaí sna tuarascálacha sin faisnéis faoi chomhaltaí den chomhlacht cinnteoiríreachta a ceapadh agus a difhostaíodh, an méid acmhainní a leithdháileadh sa bhliain ábhartha agus aon athrú sa mhéid sin le hais na mblianta roimhe sin. Ba cheart tuarascálacha den sórt sin a chur ar fáil go poiblí.*

- (28) Teastaíonn ó ÚINanna sraith iosta cumhactaí imscrúdaitheacha agus cinnteoireachta comhchoiteanna ionas gur féidir leo Airteagail 101 agus 102 CFAE a chur i bhfeidhm go héifeachtach.
- (29) Ba cheart cumhactaí éifeachtacha imscrúdaithe a thabhairt d'údaráis *iomaiochta náisiúnta riarrachán* ionas gur féidir leo aon chomhaontú, aon chinneadh nó aon chleachtas comhbheartaithe a thoirmiscear le hAirteagal 101 CFAE nó aon mhí-úsáid ceannasachta a thoirmiscear le hAirteagal 102 CFAE a bhrath ag aon chéim de na himeachtaí atá os a gcomhair. *Ba cheart ag na húdaráis iomaiochta náisiúnta riarrachán feidhm a bheith ag na cumhactaí sin maidir le gnóthais agus le comhlachais ghnóthas is ábhar d'imeachtaí i leith chur i bhfeidhm Airteagal 101 CFAE agus Airteagal 102 CFAE, mar aon le rannpháirtithe eile margaidh a bhféadfadh faisnéis a bheith acu a bhainfeadh le himeachtaí den sórt sin. Ba cheart go n-áiritheofaí leis na cumhactaí éifeachtacha imscrúdaitheacha sin do gach údaráis iomaiochta náisiúnta riarrachán go bhfuil gach ceann de na húdaráis iomaiochta náisiúnta riarrachán sin in ann cúnamh a thabhairt dá chéile nuair a iarrtar orthu iniúchadh nó aon bheart bailithe fioras a dhéanamh ar a gcríoch féin mar gheall ar ÚIN eile agus thar a cheann de bhun Airteagal 22 de Rialachán (CE) Uimh. 1/2003.*

- (30) Is gá go leor cumhachtaí imscrúdaitheacha a bheith ag na húdaráis iomaíochta náisiúnta riachánach chun dúshláin forsheidhmiúcháin na timpeallachta digití a sheasamh agus ba cheart iad a úsáid chun cumasú do na ÚINanna gach faisnéis a bhaineann le gnóthas nó comhlachas gnóthas is ábhar don bheart imscrúdaitheach a fháil i bhfoirm dhigiteach, lena n-áirítear sonraí a fhaightear trí mhodhanna fóiréinseacha, beag beann ar an meán ina bhfuil an fhaisinéis stóráilte, amhail ríomhairí glúine, fóin phóca, gléasanna móibíleacha ***agus néalstóráil.***
- (31) Ba cheart do na húdaráis iomaíochta náisiúnta a bheith ***in ann na hiniúchtaí riachtanacha uile a dhéanamh ar áitribh gnóthas agus comhlachas gnóthas, i gcás ina bhfuil siad i gcomhréir le cásdlí Chúirt Bhreithiúnais an Aontais Eorpaigh,*** agus i gcás ina bhfuil forais réasúnta ar a laghad ann lena mheas go ndearnadh sárú ar Airteagal 101 CFAE nó 102 CFAE. ***Ní chuireann an Treoir seo cosc ar na Ballstáit údarú a éileamh roimh ré ó údarás náisiúnta breithiúnach maidir le hiniúchtaí den sórt sin.***

- (32) Ionas go mbeidh siad éifeachtach, leis an gcumhacht atá acu chun iniúchtaí a dhéanamh, ba cheart do na húdaráis iomaíochta náisiúnta riarracháin a bheith in ann rochtain a fháil ar fhaisnéis a bhfuil rochtain ag an ngnóthas nó ag an gcomhlachas gnóthas nó ag an duine is ábhar don iniúchadh uirthi i gcás ina mbaineann an fhaisnéis sin leis an ngnóthas atá á imscrúdú. *Airítéar mar riachtanas air sin an chumhacht chun doiciméid, comhaid nó sonrai i dtaobh feistí a chuardach, ar nithe iad nach ndearnadh a shainaithint go beacht roimh ré. Gan an chumhacht sin, bheadh sé dodhéanta an fhaisnéis is gá a fháil don iniúchadh dá mba rud é go mbeadh meon constaiceach ag gnóthais nó dá ndiúltoidís comhoibriú. Leis an gcumhacht chun scrúdú a dhéanamh ar leabhair nó ar thaifid, cumhdaitear gach comhfheagras, amhail teachtaireachtaí leictreonacha, beag beann ar cé acu a léadh nó a scriosadh iad.*
- (33) Ar mhaithe le fadú neamhriachtanach ar iniúchtaí a sheachaint, ba cheart cumhacht a thabhairt do na húdaráis iomaíochta náisiúnta riarracháin leanúint de chuardach a dhéanamh in áitribh an údaráis nó in áitribh ainmnithe eile *agus* cóipeanna nó sleachta de leabhair agus taifid *a roghnú* a bhaineann le gnó an ghnóthais nó an chomhlachais ghnóthas atá á iniúchadh. *Ba cheart a áirithiú sna cuardaigh sin go leanfaí d'urraim chuí a thabhairt do chearta cosanta na ngnóthas.*

- (34) Is léir ón taithí atá faigte go dtí seo go bhféadfadh go mbeadh taifid ghnó á gcoinneáil i dtithe stiúrthóirí, *bainisteoirí agus ball foirne eile de ghnóthais agus de chomhlachais gnóthas, go háirithe mar gheall ar* an méadú ar úsáid socruithe solúbtha oibre. Chun a áirithiú go mbeidh na hiniúchtaí éifeachtach, ba cheart an chumhacht a thabhairt do na húdaráis iomaiochta náisiúnta riarcháin chun dul isteach in aon áitreabh, lena n-áirítear tithe príobháideacha, *i gcás inar féidir a léiriú* go bhfuil amhras réasúnta ann go bhfuil taifid ghnó á gcoinneáil sna háitribh sin □ a d'fhéadfadh a bheith ábhartha maidir lena chruthú go ndearnadh **sárú** ar Airteagal 101 CFAE nó ar Airteagal 102. Ba cheart feidhmiú na cumhachta *sin* a bheith faoi réir údarú *a bheith faigte ag údarás iomaiochta náisiúnta riarcháin ó údarás náisiúnta* breithiúnach, *lena bhféadfadh ionchúisitheoir poiblí i gcórais náisiúnta dlí áirithe a bheith san áireamh.* Níor cheart an méid sin cosc a chur ar na Ballstáit *i gcásanna fíorphráinne* cúramí údaráis náisiúnta bhreithiúnaigh a thabhairt d'údarás iomaiochta náisiúnta riarcháin atá ag gníomhú i gcáil údarás breithiúnach **nó**, *mar eisceacht, an chumhacht a thabhairt iniúchtaí den sórt sin a dhéanamh le toiliú na ndaoine is ábhar don iniúchadh.* D'fhéadfadh údarás iomaiochta náisiúnta riarcháin ann *na hiniúchtaí sin a dhéanamh a chur de chúram ar na pólíní nó ar údarás feidhmiúcháin coibhéiseach, ar choinnioll go ndéantar an t-iniúchadh i láthair an údaráis iomaiochta náisiúnta riarcháin.* Níor cheart gur dhochar an méid sin do cheart an údaráis iomaiochta náisiúnta riarcháin an t-iniúchadh a dhéanamh é féin agus cúnamh riachtanach a fháil ó na pólíní nó ó ghníomhaireacht feidhmiúcháin *choibhéiseach, lena n-áirítear mar bheart réamhchúraim, i gcás ina mbeadh sé i gceist acu siúd is ábhar don iniúchadh cur ina choinne.*

- (35) Ba cheart do ÚINanna cumhactaí éifeachtacha a bheith acu chun a cheangal ar *ghnóthais nó ar chomhlachais gnóthas* an fhaisnéis *is gá a chur ar fáil chun sáruithe ar Airteagail 101 agus 102 CFAE a bhrath. Chuige sin, ba cheart do ÚINanna a bheith in ann a chur de cheangal go ndéanfaí faisnéis a nochtadh a d'fhéadfadh a chur ar a gcumas imscrúdú a dhéanamh ar na sáruithe toimhdean.* Ba cheart a áireamh air sin, an ceart chun faisnéis a éileamh *i bhfoirm dhigiteach ar bith, lena n-airítear ríomhphoist agus teachtaireachtaí córais teachtaireachtaí meandracha*, beag beann ar an áit a bhfuil sí stóráilte, *lena n-airítear i néalta agus ar fhreastalaithe*, ar choinnioll go bhfuil an fhaisnéis sin le fáil ag an *ngnóthas nó comhlachas gnóthas arb* é an seolaí é a bhfuil an iarraidh ar fhaisnéis thírithe air. *Nior cheart go mbeadh oibleagáid ar ghnóthas de bharr an chirt sin, ar oibleagáid í atá díréireach le ceanglais an imscrúdaithe; ní bheidh costais ná iarrachtaí iomarcacha á dtabhú ag an ggnóthas dá bharr, mar shampla. D'ainneoin go bhfuil an ceart chun faisnéis a éileamh rithábhachtach chun sáruithe a bhrath, ba cheart gurbh iomchuí raon feidhme na n-iarrataí sin. Nior cheart do na hiarrataí sin a chur faoi deara do ghnóthas chun a admháil go ndearna sé sárú, arb é an cúram atá ar ÚINanna lena chruthú. Níor cheart gur dhochar an méid sin d'oibleagáidí gnóthas ceisteanna florásacha a fhreagairt agus doiciméid a chur ar fáil. Ar an gcaoi chéanna, ba cheart go mbeadh uirlisí éifeachtacha ag ÚINanna chun a chur de cheangal ar aon duine nádúrtha nó dlítheanach faisnéis a chur ar fáil a d'fhéadfadhbh a bheith ábhartha i leith chur i bhfeidhm na n-Airteagal 101 agus 102 CFAE. Ba cheart é a bheith de shaoirse ag na Ballstáit foráil a dhéanamh do rialacha nós imeachta i dtaca le hiarrachtaí den sórt sin ar fhaisnéis, amhail an fhoirm dlí a bheidh iontu, ar choinnioll gur féidir, de bhíthin na rialacha sin, úsáid éifeachtach a bhaint as an uirlis sin. Ina theannta sin, is léir ón taithí atá faigte go dtí seo gur féidir leis an bhfaisnéis a sholáthraítear ar bhonn deonach, *mar fhreagairt ar iarrataí ar fhaisnéis neamhéigeantach, a bheith ina foinse luachmhar i gcomhar forfheidhmiú eolach láidir. Ar an gcaoi chéanna, féadfaidh soláthar faisnéise* ag tríú páirtithe sa mhargadh, amhail iomaitheoirí, custaiméirí agus tomholtóirí, *ar a dtionscnamh féin cur le forfheidhmiú éifeachtach* agus ba cheart do ÚINanna é sin a chothú.*

- (36) *Is léir ón taithí atá faigthe go dtí seo gur uirlis fhóntha é an chumhacht chun agallaimh a dhéanamh le fianaise a bhailiú agus cuidiú leis na húdaráis iomaiochta measúnú a dhéanamh ar luach na fianaise a bailíodh cheana féin. Ba cheart modhanna éifeachtacha a bheith ag ÚINanna chun aon ionadaí thar ceann gnóthais nó comhlachas gnóthas nó daoine dlítheanacha eile agus aon duine nádúrtha a ghairm chuig agallamh, a bhféadfadh faisnéis a bheith acu a bheadh ábhartha i leith chur i bhfeidhm Airteagal CFAE 101 agus Airteagal 102 CFAE. Ba cheart é a bheith de shaoirse ag na Ballstáit foráil a dhéanamh do rialacha lena rialaítar an chaoi a ndéantar na hagallaimh sin, ar choinnioll gur féidir, de bhíthin na rialacha sin, úsáid éifeachtach a bhaint as an uirlis sin.*

- (37) *Is riachtanach do ÚINanna a bheith in ann a chur de cheangal ar ghnóthais agus ar chomhlachais gnóthas deireadh a chur le sárú ar Airteagal 101 CFAE agus Airteagal 102 CFAE, lena n-áirítear i gcás ina leantar den sárú tar éis d'imeachtaí ÚINanna a thionscnamh go foirmiúil. Thairis sin, ba cheart modhanna éifeachtacha a bheith ag ÚINanna chun an iomaíocht a athbhúnú sa mhargadh trí leigheasanna struchtúracha agus iompraíochta a fhorchur atá comhréireach leis an sárú a rinneadh agus atá riachtanach le gur féidir deireadh a chur leis an sárú. Ceanglaítear le prionsabal na comhréireachta, i gcás ina bhfuil rogha le déanamh idir dhá leigheas atá chomh héifeachtach céanna, ba cheart do ÚINanna an leigheas is lá anró don ghnóthas a roghnú. Déanann leigheasanna struchtúracha, amhail oibleagáidí chun fáil réidh le scairsheilbh iomaitheora nó chun an t-aonad gnó a dhídhílsiú, difear do shócmhainní gnóthais agus d'fhéadfáí a mheas go bhfuil ualach níos troime i gceist leo don ghnóthas. Ina dhiaidh sin féin, níor cheart go gcuirfí cosc mar gheall air sin ar ÚINanna a fhionnadh in imthosca sáraithe shonraigh ina bhfuil bonn cirt le sárú ar leith ann cinneadh a dhéanamh go bhfuil bonn cirt le leigheas struchtúrtha a fhorchur ós rud é gurbh éifeachtaí a bheadh sé ó thaobh deireadh a chur leis an sárú ná mar a bheadh leigheas iompraíochta.*

- (38) *Uirlis thábhachtach is ea na bearta eatramhacha lena áirithiú, fad atá imscrúdú ar bun, nach ndéanann an sárú atá á imscrúdú dochar doleasaithe tromchúiseach don iomaíocht. Tá an uirlis sin tábhachtach chun forbairtí sa mhargadh a sheachaint, ar forbairtí iad a fhágfadh gur deacair iad a chur ina gceart le haon chinneadh a dhéanfaidh ÚIN ag deireadh na n-imeachtaí. Ba cheart a bheith de chumhacht ag ÚINanna mar sin bearta eatramhacha a fhorchur trí bhíthin cinnidh. Ar a laghad, ba cheart feidhm a bheith ag an gcumhacht sin i gcásanna ina ndéanann ÚIN cinneadh prima facie go ndearnadh sárú ar Airteagal 101 CFAE agus 102 CFAE agus i gcás a bhfuil baol ann go ndéanfaí dochar tromchúiseach doleigheasta don iomaíocht. Tá de chead ag na Ballstáit cumhactaí níos leithne a thabhairt do ÚINanna chun bearta eatramhacha a fhorchur. Níor cheart do chinneadh lena bhforchuirtear bearta eatramhacha a bheith bailí ach amháin ar feadh tréimhse sonraithe, cibé acu go dtí go gcuirfidh ÚIN deireadh leis na himeachtaí, nó ar feadh tréimhse ama shocraithe gur féidir a athnuachan a mhéid is gá agus is iomchuí. Ba cheart do na Ballstáit a áirithiú gur féidir dlíthiúlacht, lena n-áirítear comhréireacht, na mbeart sin a athbhreithniú i nósanna imeachta brostaithe a chomhairc nó i nósanna imeachta eile lena ndéantar foráil freisin do rialú brostaithe breithiúnach. Ina theannta sin, ba cheart do na Ballstáit dálaí a chruthú le go mbeifear in ann a áirithiú gur féidir ÚINanna úsáid a bhaint as na bearta eatramhacha go praiticiúil. Is gá go gcuirfí ar chumas na n-údarás iomaíochta uile chun bheith ag plé le forbairtí i margai broidiúla agus dá bhrí sin, a marana a dhéanamh laistigh den Ghréasán Eorpach Iomaíochta maidir leis an úsáid a bhaintear as na bearta eatramhacha agus an taithí sin a chur san áireamh in aon bheart bog ábhartha nó in aon athbhreithniú a dhéanfar amach anseo ar an Treoir seo.*

- (39) Más rud é, le linn imeachtaí a bhféadfadh sé go dtoirmiscí comhaontú nó cleachtas dá mbarr, go dtairgeann gnóthais nó comhlachais gnóthas do ÚINanna gealltanais a mhaolaíonn ábhair imní na n-údarás sin, ba cheart do na húdaráis sin bheith in ann cinntí a ghlacadh lena ndéantar na gealltanais sin ceangailteach ar na gnóthais lena mbaineann agus lena ndéantar iad in-fhorfheidhmithe ina n-aghaidh. *I bprionsabal*, níl cinntí gealltanais *den sórt sin ionchuí i gcás na gcairtéal rúná, ar cheart gurb iad na ÚINanna a dhéanfadh fineálacha a fhorchur ina leith.* Ba cheart a leagan síos i *gcinntí gealltanais* nach bhfuil aon fhoraí ann a thuilleadh le gníomhaíocht ag ÚINanna, gan conclúid a bhaint cé acu a bhí nó nach raibh sárú ar Airteagal 101 nó 102 CFAE ann. *Ba cheart a bheith de rogha ag ÚINanna cé acu an nglacfaidh nó nach nglacfaidh siad gealltanais.* Ní dhéanfaidh cinntí gealltanais dochar do na cumhactaí atá ag údaráis iomaíochta agus cúirteanna na mBallstát chun a chinneadh go raibh sárú ann agus chun cinneadh a dhéanamh ar an gcás. *Thairis sin, tá sé cruthaithe gur uirlísí éifeachtachta do na húdaráis iomaíochta iad modhanna éifeachta le faireachán a dhéanamh go bhfuil na gealltanais á gcomhlíonadh ag gnóthais agus smachtbhannaí a fhorchur i gcásanna neamhchomhlíonta. I gcásanna ina bhfuil athrú ábhartha ar aon cheann de na fóraí ar a bhfuil an cinneadh bunaithe, nó i gcás ina gníomhaíonn an gnóthas ar neamhréir lena ghealltanais, nó i gcás ina raibh cinneadh bunaithe ar fhaisnéis a chuir páirtithe ar fáil, ar faisnéis í a bhí neamhionlán, mícheart nó míthreorach, ba cheart modhanna éifeachta a bheith ag ÚINanna chun imeachtaí a athoscailt.*

- (40) Chun forfheidhmiú éifeachtach aonfhoirmeach Airteagail 101 agus 102 CFAE a áirithiú, ba cheart do na húdaráis iomaíochta náisiúnta riarracháin an chumhacht a bheith acu chun fineálacha éifeachtacha, comhréireacha agus athchomhairleacha a fhorchur ar ghnóthais agus ar chomhlachais gnóthas i leith sáruthe ar Airteagal 101 nó 102 CFAE *ina n-imeachtaí féin, go háirithe in* imeachtaí riarracháin, *ar choinnioll go mbeifear in ann, de bhíthin na n-imeachtaí náisiúnta sin, fineálacha éifeachtacha, comhréireacha agus athchomhairleacha a fhorchur*, nó fineálacha a fhorchur inimeachtaí breithiúnacha neamhchóiriúla. Ní dhéanfaidh sé sin dochar do dhlíthe náisiúnta lena bhforáiltear go bhféadfaidh na cúirteanna smachtbhannaí a fhorchur *ar ghnóthais agus ar chomhlachais gnóthas* inimeachtaí breithiúnacha i leith sárú ar Airteagail 101 agus 102 CFAE *i gcás inar cion círiúil an sárú sin faoin dlí náisiúnta agus ar choinnioll nach mbíonn tionchar aige ar fhorfheidhmiú éifeachtach agus aonfhoirmeach Airteagal 101 CFAE agus Airteagal 102 CFAE.*

- (41) Chun a áirithiú go ndéanfaí gnóthais agus comhlachais gnóthas ***a dhreasú*** na bearta ***imscrúdaitheacha*** agus cinnteoireachta atá ag ÚINanna a chomhlónadh, ní mór do na húdaráis iomaíochta náisiúnta riarracháin a bheith in ann fineálacha éifeachtacha a fhorchur i leith neamhchomhlónadh ***na mbeart agus na gcinntí dá dtagraítear in Airteagail 6, 8, 9, 10, 11 agus 12, ina*** n-imeachtaí ***féin*** agus ní mór dóibh a bheith in ann féachaint le fineálacha a fhorchur in imeachtaí breithiúnacha neamhchóiriúla. Ní dhéanfaidh sé sin dochar do dhlí náisiúnta lena bhforáiltear go bhféadfaidh na cúirteanna fineálacha den sórt sin a fhorchur ***ar ghnóthais agus ar chomhlachais gnóthas*** in imeachtaí breithiúnacha coiriúla. ■
- (42) *I gcomhréir le Cait um Chearta Bunúsacha an Aontais Eorpaigh, in imeachtaí os comhair údarás iomaíochta náisiúnta riarrachán nó, de réir mar a bheidh, ba cheart fineálacha a fhorchur in imeachtaí náisiúnta breithiúnacha neamhchóiriúla, i gcás ina ndearnadh sárú d'aon ghnó nó le faillí. Ba cheart coincheapa i dtaobh rúin agus faillí a fhormhíniú i gcomhréir le cásdlí Chúirt Bhreithiúnais an Aontais Eorpaigh maidir le cur i bhfeidhm Airteagail 101 agus 102 CFAE sna himeachtaí a reáchtálann na húdaráis chóiriúla maidir le hábhair chóiriúla. Ní dochar an méid sin do na dlíthe náisiúnta ar dá réir a bhunófar go raibh sárú ann ar chritéir an dliteanais oibiachtúil ar choinníoll go bhfuil sé i gcomhréir le cásdlí Chúirt Bhreithiúnais an Aontais Eorpaigh.* Thairis sin, ní dhéanfaidh ***an Treoir seo difear do*** na rialacha náisiúnta maidir le caighdeán an chruthúnais ***ná*** d'oibleagáidí ÚINanna fiorais an cháis ábhartha a fháil amach, ar choinníoll go bhfuil na rialacha agus na hoibleagáidí sin i gcomhréir le prionsabail ghinearálta dhlí an Aontais. ■

- (43) *Ba cheart na fineálacha a chinneadh i gcomhréir le láimhdeachas iomlán domhanda na gnóthas agus na gcomhlachas gnóthas lena mbaineann.*
- (44) *Uirlis thábhachtach iad íocaíochtaí pionósacha tréimhsíúla lena áirithiú go bhfuil modhanna éifeachta ag ÚINanna le dul i ngleic le neamhchomhlíonadh leanúnach agus neamhchomhlíonadh amach anseo gnóthas agus comhlachas gnóthas i dtaobh a mbearta agus a gcinntí dá dtagraítear in Airteagail 6, 8, 9, 10, 11 agus 12. Níor cheart feidhm a bheith aige sin ar sháruithe a rinneadh san am a chuaigh thart. Ní dochar an chumhacht íocaíochtaí pionósacha tréimhsíúla a fhorchur do chumhacht ÚINanna neamhchomhlíonadh na mbeart dá dtagraítear in Airteagal 13(2) a phionósú. Ba cheart íocaíochtaí pionósacha tréimhsíúla den sórt sin a chinneadh i gcomhréir le meánláimhdeachas iomlán laethúil domhanda na gnóthas agus na gcomhlachas gnóthas lena mbaineann.*
- (45) *Chun críche fineálacha agus íocaíochtaí pionósacha tréimhsíúla a fhorchur, ba cheart a chur san áireamh sa téarma 'cinneadh', na héifeachtaí dlí atá ceangailteach ar an seoláí, agus a d'fhéadfadh difear a dhéanamh dá leasanna, trí athrú ar leith a chur i bhfeidhm ar an seasamh dlí atá aige/aici.*

- (46) Chun cur i bhfeidhm éifeachtach aonfhoirmeach Airteagail 101 agus 102 CFAE a áirithíú, ba cheart coincheap an ghnóthais, mar a leagtar amach in Airteagail 101 agus 102 CFAE é, a chur i bhfeidhm i gcomhréir le cásdlí Chúirt Bhreithiúnais an Aontais Eorpaigh, is é sin, gur aonad eacnamaíoch é an gnóthas, fiú amháin i gcás ina bhfuil sé comhdhéanta de roinnt daoine dlítheanacha nó nádúrtha. Dá réir sin, ba cheart do ÚINanna a bheith in ann coincheap an ghnóthais a chur i bhfeidhm chun a chinneadh go bhfuil máthairchuideachta faoi dhliteanas i leith iompar fochuideachta dá cuid, agus chun fineálacha a fhorchur uirthi ina leith, i gcás inar aonad eacnamaíoch aonair iad an mháthairchuideachta agus an fhochuideachta lena mbaineann. Ionas nach mbeidh gnóthais in ann dliteanas a sheachaint i leith fineálacha i leith sáruithe ar Airteagal 101 CFAE agus Airteagal 102 CFAE, trí athruithe dlíthiúla nó eagraíochtúla a dhéanamh, ba cheart do ÚINanna a bheith in ann a chinneadh go bhfuil comharbaí dlíthiúla nó eacnamaíocha an ghnóthais faoi dhliteanas i leith sárú ar Airteagal 101 CFAE agus Airteagal 102 CFAE, agus fineálacha a fhorchur orthu ina leith, i gcomhréir le cásdlí Chúirt Bhreithiúnais an Aontais Eorpaigh.

- (47) Chun a áirithiú go mbeidh na fineálacha a fhorchuirfear i leith sáruithe ar Airteagail 101 agus 102 CFAE ag teacht le tábhacht eacnamaíoch an tsáraithe, ba cheart do ÚINanna aird a thabhairt ar thromchúis an tsáraithe. Chomh maith leis sin, ba cheart do ÚINanna a bheith in ann fineálacha a shocrú atá comhréireach le fad an tsáraithe. Ba cheart na tosca sin a mheasúnú i gcomhréir le cásdlí ***ábhartha*** Chúirt Breithiúnais an Aontais Eorpaigh *agus ar shlá lena n-áirithítear díspreagadh.* Ba cheart *an* measúnú ar *thromchúis an tsáraithe a dhéanamh de réir an chás maidir le gach cineál sárú, lena gcuirtear* cúinsí uile an chás san áireamh█. *Ar na tosca a d'fhéadfai a chur san áireamh tá an méid seo a leanas: cineál an tsáraithe, an sciar den mhargadh ar an iomlán atá ag gach gnóthas lena mbaineann, raon feidhme geografach an tsáraithe, cibé ar cuireadh an sárú chun feidhme nó nár cuireadh, luach na ndíolachán earraí agus seirbhísí de chuid an ghnóthais a bhfuil baint dhíreach nó indíreach ag an sárú leo agus méid agus cumhacht mhargaídh an ghnóthais lena mbaineann.* Thairis sin, le sáruithe arís is arís eile ag an ngnóthas céanna léiritear an claoadh atá ag an ngnóthas sin sáruithe den sórt sin a dhéanamh, agus dá bhrí sin, is léiriú an-suntasach é sin ar an █ ngá atá le leibhéal an phionóis a mhéadú le go mbeidh sé ina dhíspreagadh éifeachtach. *Dá réir sin, ba cheart an deis a bheith ag ÚINanna* méadú a dhéanamh ar an bhfineáil a fhorchuirfear ar ghnóthas nó ar chomhlachas gnóthas i gcás ina leanfaidh sé den sárú céanna a dhéanamh, nó ina ndéanfaidh sé sárú den chineál céanna, tar éis don Choimisiún nó do **ÚIN** cinneadh a dhéanamh go ndearna an gnóthas nó an comhlachas gnóthas lena mbaineann sárú ar Airteagal 101 CFAE nó Airteagal 102 CFAE. *I gcomhréir le Treoir 2014/104/AE, ba cheart do ÚINanna a bheith in ann aon chuíteamh a íocadh de thoradh réiteach comhthoiliúil a chur san áireamh. Ina theannta sin, in imthosca eisceachtúla, ba cheart do ÚINanna inmharthanacht eacnamaíoch an ghnóthais lena mbaineann a chur san áireamh.*

- (48) Is léir ón taithí atá faigte go dtí seo, gur minic a imríonn comhlachais gnóthas ról i sáruithe iomaíochta agus ba cheart do ÚINanna, dá bhrí sin, a bheith in ann fíneáil a chur go héifeachtach ar chomhlachais den sórt sin. Agus measúnú á dhéanamh ar thromchúis an tsáraithe chun suim na fíneála a chinneadh in imeachtaí arna dtionscnamh in aghaidh comhlachais gnóthas i gcás ina mbaineann an sárú le gníomhaíochtaí na mball, ***ba*** cheart go ***bhféadfaí*** suim na ndíolachán earraí agus seirbhísí de chuid na ngnóthas is baill den chomhlachas ***a mheas*** a bhfuil baint dhíreach nó indíreach ag an sárú leo. ***I gcás ina bhforchuirfear fíneáil ní hamháin ar an gcomhlachas ach ar a chuid ball chomh maith, níor cheart láimhdeachas na mball ar a bhforchuirfear fíneáil a chur san áireamh agus an fhíneáil a ghearrtar ar an gcomhlachas á riomh.*** Chun a áirithiú go ngnóthófar go héifeachtach na fíneálacha arna bhforchur ar chomhlachais gnóthas as na sáruithe atá déanta acu, is gá na coinníollacha a leagan síos ***ina*** bhfuil sé ***de rogha ag*** ÚINanna ceangal a chur ar chomhaltaí an chomhlachais an fhíneáil a íoc i gcás nach bhfuil an comhlachas féin sócmhainneach. Agus sin á dhéanamh acu, ba cheart do ÚINanna aird a thabhairt ar mhéid choibhneasta na ngnóthas ar leis an gcomhlachas iad agus go háirithe ar chás na bhfiontar beag agus meánmhéide. Ní dochar íocaíocht na fíneála ag comhalta amháin nó ag roinnt comhaltaí de chuid an chomhlachais do rialacha den dlí náisiúnta lena bhforáiltear maidir le gnóthú an mhéid arna íoc ó chomhaltaí eile den chomhlachas.

- (49) Is mór an difear idir éifeacht díspreagthach na bhfíneálacha fud fad na hEorpa agus i mBallstáit áirithe is fior-íseal uasmhéid na fineála is féidir a fhorchur. Lena áirithiú gur féidir le ÚINanna fineálacha ***athchomhairleacha*** a leagan síos, ba cheart uasmhéid na fineála a d'fhéadaí a fhorchur ar ***gach sárú ar Airteagail 101 agus 102 CFAE*** a shocrú ar leibhéal nach lú ná 10% de láimhdeachas ionlán domhanda an ghnóthais lena mbaineann. Níor cheart don mhéid sin cosc a chur ar na Ballstáit uasmhéid fineála is féidir a fhorchur is airde ná sin a choinneáil nó a thabhairt isteach.
- (50) Uirlis thábhachtach maidir le cairtéil rúnda a bhrath is ea cláir thrócaire agus ar an dóigh sin, cuidiú is ea iad agus na sáruithe is tromchúisí ar dhlí na hiomaíochta á n-ionchúiseamh agus pionóis á bhforchur ina leith. Tá difríochtaí suntasacha ann faoi láthair i measc na gclár trócaire is infheidhme sna Ballstáit, áfach. Cruthaíonn na difríochtaí sin éiginnteacht dhlíthiúil do ghnóthais atá ag sárú rialacha maidir leis na coinníollacha faoinar féidir leo iarratas a dhéanamh ar thrócaire agus maidir leis an díolúine a gheobhaidh siad faoin gclár trócaire/faoi na cláir thrócaire lena mbaineann. D'fhéadfadh sé go laghdódh an éiginnteacht sin na dreasachtaí atá ag iarratasóirí féideartha ar thrócaire chun iarratas a dhéanamh. Dá réir sin, laghdaítéar éifeacht an gníomhaíochta forfheidhmiúcháin iomaíochta san Aontas toisc nach féidir an oiread céanna cairtéal rúnda a bhrath.

- (51) Cuireann na difríochtaí idir na cláir thrócaire ar leibhéal na mBallstát an chothroime iomaiochta i mbaol do ghnóthais atá ag oibriú sa mhargadh inmheánach freisin. Is iomchuí, dá bhrí sin, an deimhneacht dhlíthiúil a mhéadú *do ghnóthais sa mhargadh inmheánach agus a tharraingtí atá na cláir thrócaire ar fud an Aontais a mhéadú* trí dheireadh a chur leis na difríochtaí sin *agus gach ÚIN a chumasú díolúine ó fhíneálacha agus laghdú fineálacha a cheadú agus go bhféadfaidh sé glacadh le hiarratais achoimre faoi na coinníollacha céanna. D'fhéadfadh go mbeadh tuilleadh iarrachtaí ón nGréasán Eorpach Iomaiochta de dhíth maidir le cláir thrócaire a ailníú amach anseo.*
- (52) Ba cheart do ÚINanna díolúine ó fhíneálacha, agus laghduithe fineálacha, a dheonú do ghnóthais i gcás ina sásaitear coinníollacha áirithe. *Ba cheart do chomhlachais gnóthas a dhéanann gníomhaíocht eacnamaíoch thar a gceann féin a bheith incháilithe le haghaidh díolúine ó fhíneálacha agus laghduithe fineálacha má bhíonn siad rannpháirteach i gcairtéal líomhnaithe thar a gceann féin agus ní thar ceann a mball.*
- (53) *Ní gá go mbeadh gach gné den iompar rúnda, le gur féidir a mheas gur cairtéal rúnda atá i gcairtéal. Go háirithe, féadfar a mheas gur cairtéal rúnda atá i gcairtéal nuair atá eilimintí ann, nach eol don phobal ná do na custaiméirí ná do na soláthróirí, a fhágann gur deacra atá sé a fhairsinge atá an t-iompar a bhrath.*

- (54) *Ionas gur féidir cáiliú le haghaidh trócaire, ba cheart don iarratasóir deireadh a chur lena rannpháirtíocht sa chairtéal rúnáda líomhnaithe, seachas i gcás ina measann ÚIN go luionn sé le réasún leanúint den rannpháirtíocht sin chun sláine an imscrúdaithe a chaomhnú, chun a áirithiú nach mbeadh fios ag na rannpháirtithe líomhnaithe eile sa chairtéal go bhfuil ÚIN curtha ar an eolas faoin gcairtéal líomhnaithe sula ndéanann ÚIN na bearta imscrúdaitheacha amhail iniúchtaí gan fógra, mar shampla.*
- (55) *Ionas gur féidir cáiliú le haghaidh trócaire, ba cheart don iarratasóir comhoibriú go dílis agus go hiomlán ar bhonn leanúnach tapa le ÚIN. Ciallaíonn sin, inter alia, nár cheart don iarratasóir fianaise ar an gcairtéal rúnáda líomhnaithe a scriosadh, a bhrionnú ná a cheilt nuair atá sé ag beartú iarratas a dhéanamh chuig ÚIN. Nuair atá gnóthas ag beartú iarratas a dhéanamh, tá baol ann go scriosfadh na stiúrthóirí, na bainisteoirí agus an fhoireann eile atá aige fianaise chun a cheilt go raibh siad rannpháirteach i gcairtéal ach d'fhéadfadh sin tarlú ar chuíseanna eile. Mar sin, agus é á mheas cibé an gcomhlíonann nó nach gcomhlíonann iarratasóir an coinníoll sin, ba cheart do na húdaráis náisiúnta iomaiochta na himthosca sonracha a chur san áireamh a bhféadfadh gur tharla sé gur scriosadh fianaise faoina mbun agus a thábhachtaí a bheadh an scriosadh sin a chur san áireamh agus é á mheas an gciallaíonn an scriosadh sin go bhfuil amhras ann faoi chomhoibriú dílis an iarratasóra.*

- (56) *Ionas gur féidir an coinnioll maidir le comhar dílis, iomlán, leanúnach tapa a chomhlíonadh, nuair atá sé ag beartú iarratas a dhéanamh chuig ÚIN níor cheart don iarratasóir a noctadadh go raibh sé ag beartú iarratas a dhéanamh ná cuid ar bith d'ábhar a iarratais bheartaithe a noctadadh, seachas d'údaráis iomaiochta náisiúnta eile, don Choimisiún nó d'údaráis iomaiocht triú tíortha. Ní chuirfidh sé sin bac ar iarratasóir a iompar a thuairisciú d'údaráis phoiblí eile mar a cheanglaítear le dlíthe ábhartha, ní dhéanann sé ach cosc a chur air a noctadadh go bhfuil sé ag beartú iarratas a dhéanamh ar thrócaire agus cosc a chur air ráitis trócaire a thabhairt ar láimh do na húdaráis. Mar sin féin, agus a chuid oibleagáidí á gcomhlíonadh aige faoi na dlíthe ábhartha sin, ba cheart don iarratasóir machnamh a dhéanamh freisin ar a thábhachtaí atá sé gan dochar a dhéanamh don imscrúdú a d'fhéadfadh a bheith ag ÚIN.*
- (57) Ba cheart an deis a bheith ag iarratasóirí *ráitis* trócaire *maidir le hiarratais iomlána nó iarratais achoimre* i scríbhinn *a chur isteach agus* córas a bheith i bhfeidhm ag ÚINanna *freisin* lena gcumasófar dóibh *ráitis* a ghlacadh ó bhéal nó, ar bhealaí eile *rud a cheadóidh nach mbeidh na hiarratais trócaire a cuireadh isteach i seilbh an iarratasóra, faoi choimeád an iarratasóra nó faoi rialú an iarratasóra. Ba cheart do ÚINanna a bheith in ann an modh a roghnú lena ndéanfaidh siad na ráitis trócaire a ghlacadh.*

- (58) *Ba cheart do na gnóthais ar mian leo iarratas a dhéanamh ar dhíolúine iarratas a dhéanamh chuig na húdaráis iomaíochta náisiúnta ar mharcóir ar dtús chun áit a fháil sa scuaine i ndáil le trócaire, ionas gur féidir an fhianaise agus an fhaisnéis riachtanach a bhailiú chun an tairseach ábhartha fianaise a chomhlíonadh. Ní dhéanfaidh sé sin dochar do na Ballstáit foráil a dhéanamh don fhéidearthacht iarratas a dhéanamh chuig gnóthais ar mharcóir freisin, ar gnóthais iad ar mian leo iarratas a dhéanamh ar laghduithe fineálacha.*
- (59) *Thairis sin, ionas gur féidir an t-ualach riaracháin agus ualach eile nach beag a laghdú, ó thaobh ama de, ba cheart do na hiarratasóirí a bheith in ann ráitis a chur isteach maidir le hiarratais iomlána nó iarratais achoimre mar aon le hiarratais ar mharcóirí i dteanga oifigiúil de chuid an Bhallstáit den údarás iomaíochta náisiúnta lena mbaineann, nó, i dteanga oifigiúil eile de chuid an Aontais, i gcás inar chomhaontaigh an t-údarás iomaíochta náisiúnta agus an t-iarratasóir é sin go déthaobhach. Meastar gurb ann do chomhaontú den sórt sin i gcás ina bhfuil glacadh ginearálta ag ÚINanna leis na haighneachtaí sin sa teanga sin.*

- (60) *I bhfianaise na n-inniúlachtaí roinnte idir an Coimisiún agus ÚINanna maidir le forfheidhmiú Airteagal 101 CFAE agus Airteagal 102 CFAE, is den riachtanas córas maidir le hiarratais achoimre a bheith i bhfeidhm a fheidhmíonn i gceart.* Iarratasóirí a rinne iarratas ar thrócaire chuig an gCoimisiún i dtaca le cairtéal rúnda líomhnaithe, ba cheart dóibh a bheith in ann iarratais achoimre do ÚINanna i dtaca leis an gcairtéal sin a chur isteach, *ar choinnioll go gcumhdaítear leis an iarratas chuig an gCoimisiún níos mó ná trí cinn de na Ballstáit ó thaobh críocha dá ndéantar difear.* Ní dochar an méid sin d'fhéidearthacht an Choimisiúin chun plé le cásanna, más rud é go bhfuil dlúthbhaint acu le forálacha eile de chuid an Aontais a d'fhéadfadh an Coimisiúin a chur i bhfeidhm go heisiach nó ar shli níos éifeachtaí, i gcás ina bhfuil sé chun leasa an Aontais cinneadh ón gCoimisiún a ghlacadh chun beartas iomaochta an Aontais a fhhorbairt nuair a thiocfaidh saincheist nua maidir leis an iomaocht chun cinn nó chun forfheidhmiú éifeachtach a áirithiú.

- (61) *De bhíthin an chórais maidir le hiarratais achoimre, is ceart go mbeadh cuideachtaí in ann iarratas ar thrócaire a chur isteach chuig ÚINanna ar bhonn na faisnéise teoranta, i gcás inar tugadh iarratas ionlán don Choimisiún maidir le cairtéal líomhnaithe. Ba cheart do ÚINanna mar sin glacadh le hiarratais achoimre ina bhfuil tacar íosta faisnéise maidir leis an gcairtéal líomhnaithe i gcás gach ceann de na míreanna a leagtar amach in Airteagal 22(2). Ní dochar an méid sin don fhéidearthacht atá ann don iarratasóir faisnéis níos mionsonraithe ar fáil tráth níos déanaí. Arna iarraigd sin don iarratasóir ar thrócaire, ba cheart do ÚINanna admháil a thabhairt dó ina luafar an dáta agus an t-am a fuarthas an t-iarratas. I gcás nach bhfuair údarás iomaiochta náisiúnta iarratas ar thrócaire den sórt sin go fóill faoin gcairtéal rúnda líomhnaithe céanna, agus ina measann sé go gcomhlíonann an t-iarratas achoimre ceanglais Airteagal 22(2), ba cheart do ÚIN é sin a chur in iúl don iarratasóir dá réir sin.*

(62) Is éard is aidhm leis an gcóras maidir le hiarratais achoimre an t-ualach riarcháin atá ar iarratasóirí a laghdú a chuireann iarratas ar thrócaire chuig an gCoimisiún maidir le cairtéal rúndá líomhnaithe lena gcumhdaítear níos mó ná trí cinn de na Ballstáit ó thaobh críocha dá ndéantar difear. Ós rud é gurb é an Coimisiún a fhaigheann iarratas iomlán i gcásanna den sórt sin, is é is ceart a bheith ina phríomhdirghabhálaí don iarratasóir ar thrócaire, go háirithe ó thaobh treoracha a chur ar fáil maidir le hiompar aon imscrúdaithe inmheánaigh bhrefise a dhéanfaidh an t-iarratasóir, sula mbeidh soiléireacht ann cibé an leanfaidh nó nach leanfaidh an Coimisiún an cás ina iomláine nó i bpáirt. Déanfaidh an Coimisiún a dhícheall cinneadh a dhéanamh faoin ábhar sin laistigh de thréimhse ama réasúnta agus ÚINanna a chur ar an eolas dá réir sin, gan dochar d'Airteagal 11(6) de Rialachán (CE) Uimh. 1/2003. In imthosca eisceachtúla, nuair is fiorghá sin i gcás idirdhealú cásanna nó leithdháileadh cásanna, d'fhéadfai a iarraidh ar iarratasóir iarratas iomlán a chur chuig ÚIN roimh ré. Níor cheart úsáid a bhaint as an deis sin ach go fiorannamh. I gcásanna eile, níor cheart ach a iarraidh ar an iarratasóir iarratas iomlán a chur chuig ÚIN a fuair iarratas achoimre, a luaithe gur léir nach bhfuil sé i gceist ag an gCoimisiún an cás a leanúint ina iomláine nó i bpáirt.

- (63) *Ba cheart an deis a bheith ag na hiarrthóirí iarratais iomlána ar thrócaire a chur isteach chuig ÚIN ar chuir siad iarratais achoimre chucu. I gcás ina gcuirfidh an t-iarratasóir na hiarratais iomlána isteach laistigh den tréimhse atá sonraithe ag ÚIN, is ceart go measfáí an fhaisnéis atá istigh ann a bheith curtha isteach ar an dáta agus ag an am a cuireadh an t-iarratas achoimre isteach, ar choinnioll go gcumhdaítear san iarratas achoimre an táirge/na táirgí agus an chríoch/na críocha céanna dá ndéantar difear agus an ré céanna maidir leis an gcairtéal líomhnaithe agus atá san iarratas ar thrócaire a cuireadh isteach chuig an gCoimisiún, a bhféadfadh gur tharla sé go ndearnadh é a thabhairt cothrom le dáta. Mar sin féin, ba cheart gur faoi na hiarratasóirí atá sé ÚINanna ar chuir siad iarratais achoimre isteach chucu a chur ar an eolas má thagann athrú ar scóip a n-iarratas ar thrócaire chuig an gCoimisiún, rud a fhágann go ndéantar na hiarratais achoimre a thabhairt cothrom le dáta. Ba cheart do ÚINanna a bheith in ann a sheiceáil cibé an mbaineann raon feidhme an achoimre iarratais le raon feidhme an iarratas ar thrócaire a cuireadh isteach chuig an gCoimisiún de bhíthin an chomhair laistigh den Ghréasán Eorpach Iomaióchta.*

- (64) Mar gheall ar an éiginnteacht dhlíthiúil atá ann maidir le cé acu a bheidh nó nach mbeidh *stiúrthóirí reatha agus iarstiúrthóirí, bainisteoirí reatha agus iarbhainisteoirí agus baill foirne reatha agus iarbhaill foirne eile de chuid iarratasóirí ar dhíolúine* faoi réir smachtbhannaí aonair, *amhail fineálacha, dícháiliú nó príosúnacht*, cuirtear cosc ar iarratasóirí féideartha iarratas a dhéanamh ar thrócaire. *I bhfianaise a rannchuidithe ó thaobh na cairtéil rúnda a bhrath agus a imscrúdú*, ba cheart, *i bprionsabal, na daoine aonair sin* a chosaint ar aon █ smachtbhannaí a fhorchuirfidh údaráis phoiblí *inimeachtaí breithiúnacha coiriúla, inimeachtaí breithiúnacha riaracháin agus inimeachtaí breithiúnacha neamhchóiriúla, mar gheall ar a rannpháirtíocht sa chairtéil rúnda a chumhdaítear leis an iarratas de bhun na ndlíthe náisiúnta arb ionann cuspóir dóibh den chuid is mó agus d'Airteagal 101 CFAE, amhail dlíthe náisiúnta maidir le camastail tairiscintí, má chomhliontar na coinniollacha dá bhforáiltear leis an Treoir seo. Ceann de na coinniollacha sin is ea gur cheart go ndearnadh iarratas ar dhíolúine sular thug na húdaráis iomaiochta náisiúnta fógra do na daoine aonair sin faoi na himeachtaí is siocair le smachtbhannaí a fhorchur. Airítear ar na himeachtaí sin tráth a gcuirtear ina leith go bhfuil amhras ann gur sháraigh siad na dlíthe náisiúnta sin.*

*Tá de chead ag na Ballstáit foráil a dhéanamh faoin dlí náisiúnta do mhódúlachtaí maidir le cé mar is ceart daoine aonair oibriú i gcomhair leis na húdaráis ábhartha le feidhmiú éifeachtach na cosanta sin a áirithiú. Áirítear ar chosaint ar smachtbhannaí coiriúla nuair nach ndéanann na húdaráis iomaiochta náisiúnta an t-ionchúiseamh a chur i bhfeidhm faoi choinniollacha nó treoracha áirithe maidir le hiompar an duine aonair amach anseo.*

- (65) *De mhaolú air sin, ionas gur féidir a áirithiú go bhfuil an chosaint ar smachtbhannaí atá le forchur ar dhaoine aonair in imeachtaí cóiriúla i gcomhréir le bunphrionsabail a gcórais dlí, d'fhéadfadh na Ballstáit foráil a dhéanamh go bhfuil na húdaráis inniúla in ann rogha a dhéanamh idir cosaint ar smachtbhannaí nó na smachtbhannaí a mhaolú amháin agus an leas maidir leis na daoine aonair sin a ionchúiseamh agus/nó smachtbhannaí a chur ar an duine aonair agus rannchuidiú an duine aonair ó thaobh an cairtéal a bhrath agus a imscrúdú a chur sa mheá. Agus measúnú á dhéanamh ar an leas maidir leis na daoine aonair sin a ionchúiseamh agus/nó smachtbhannaí a chur orthu, i measc tosca eile, ní mór a bhfreagracht phearsanta as an sárú nó a rannchuidiú pearsanta leis an sárú a chur san áireamh.*
- (66) *Ní chuirtear bac ar na Ballstáit cosaint ar smachtbhannaí nó maolú smachtbhannaí a sholáthar freisin do stiúrthóirí reatha agus iarstiúrthóirí, bainisteoirí reatha agus iarbhainisteoirí agus baill foirne reatha agus iarbháill foirne eile de chuid iarratasóirí ar laghduithe fineálacha.*

- (67) *Ionas go bhfeidhmeoidh an chosaint i gcásanna ina bhfuil níos mó ná dlínse amháin i gceist, ba cheart do na Ballstáit foráil a dhéanamh i gcásanna ina bhfuil an t-údarás inniúil forchurtha smachtbhannaí nó an t-údarás ionchúisimh i ndlínse nach bhfuil i ndlínse an údarás iomaiochta a bhfuil an cás á leanúint aige, ba cheart d'údarás iomaiochta náisiúnta na dlínse den údarás inniúil forchurtha smachtbhannaí nó den údarás ionchúisimh na teaghálaithe is gá eatarthu a áirithiú.*
- (68) I gcóras ina bhfuil cumhactaí comhthráthacha chun Airteagail 101 agus 102 CFAE a chur i bhfeidhm ag **ÚINanna agus an Coimisiún**, tá dlúthchomhar idir ÚINanna **agus idir ÚINanna agus an Coimisiún** ag teastáil. Go háirithe, i gcás ina ndéanfaidh ÚIN iniúchadh **nó agallamh faoina dhlí náisiúnta** thar ceann ÚIN eile de bhun Airteagal 22(1) de Rialachán (CE) Uimh. 1/2003 ón gComhairle, ba cheart láithreacht agus cúnamh na n-oifigeach ón údarás **is iarratasóir** a chumasú ar mhaithe le feabhas a chur ar éifeachtacht na n-iniúchtaí **agus na n-agallamh** den sórt sin trí acmhainní, eolas agus saineolas teicniúil breise a sholáthar. **Ba cheart an chumhacht a thabhairt do ÚINanna freisin a iarraidh ar ÚINanna eile cuidiú leo sa phróiseas chun a shuí ar mhainnigh gnóthais nó comhlachais gnóthas na bearta agus cinntí imscrúdaitheacha a chomhlionadh a rinne ÚINanna is iarratasóiri.**

- (69) Ba cheart *socruithe* a chur i bhfeidhm chun ÚINanna a chumasú cúnamh frithpháirteach a iarraidh chun fógra a thabhairt faoi *dhoiciméid a bhaineann le cur i bhfeidhm*  
*Airteagal 101 CFAE nó Airteagal 102 CFAE ar bhonn trasteorann do pháirtithe sna himeachtaí nó do ghnóthais, do chomhlachais gnóthas nó do dhaoine nádúrtha eile a d'fhéadfadh a bheith ina seolaithe i dtaobh na bhfógraí sin. Ar an gcaoi chéanna, ba cheart do ÚINanna a bheith in ann a iarraidh go bhforchuirfeadh na húdaráis sna Ballstáit eile* fineálacha nó íocaíochtaí pionósacha tréimhsíúla *i gcás ina bhfuil iarracht réasúnta déanta ag an údarás is iarratasóir chun a fháil amach nach leor na hacmhainní atá ag an ngnóthas i mBallstát an údaráis is iarratasóir sin a bhfuil an fhíneáil nó an íocaiocht thréimhsíúil pionósach infheidhmithe ina choinne. Ba cheart do na Ballstáit a fhoráil freisin, go háirithe, i gcás nach bhfuil an gnóthas, a bhfuil an fhíneáil nó an íocaiocht thréimhsíúil pionósach infheidhmithe ina choinne, bunaithe i mBallstáit an údaráis is iarratasóir, go bhféadfaidh an t-údarás iarrtha cinntí den sórt sin a ghlac an t-údarás is iarratasóir a fhorfheidhmiú, arna iarraidh sin ag an údarás is iarratasóir.* D'áiritheodh sé sin forfheidhmiú éifeachtach Airteagail 101 agus 102 CFAE agus chuirfeadh sé le feidhmiú cuí an mhargaidh inmheánaigh. *Iomas gur féidir a áirithiú gur leor na hacmhainní a chuireann ÚINanna go leataobh maidir le hiarraidh ar chúnamh frithpháirteach agus chun cúnamh den sórt sin a dhreasú, ba cheart do na húdaráis iarrtha a bheith in ann na costais a thabhófar a aisghabháil. Ní dochar an cúnamh frithpháirteach sin do chur i bhfeidhm Chinneadh Réime 2005/214/CGB ón gComhairle<sup>1</sup>.*

---

<sup>1</sup> Cinneadh Réime 2005/214/CGB ón gComhairle maidir le prionsabal an aitheantais fhrithpháirtigh a chur i bhfeidhm ar phionós airgeadais (*IO L 76, 22.3.2005, Ich. 16*).

- (70) Chun a áirithiú go ndéanfaidh ÚINanna Airteagail 101 agus 102 CFAE a fhorfheidhmiú go héifeachtach, is gá rialacha fónta a sholáthar maidir le □ tréimhsí teorann. Go háirithe, i gcóras cumhactaí comhthráthacha, ba cheart tréimhsí teorann náisiúnta a chur ar fionraí **nó a bhriseadh** fad atá imeachtaí ar siúl os comhair ÚINanna Ballstáit eile nó os comhair an Choimisiúin. **Níor cheart go gcuirfeadh an fhionraíocht nó an briseadh sin** cosc ar na Ballstáit dearbhthréimhsí teorann a choinneáil nó a thabhairt isteach, ar an gcoinnioll nach bhfágfaidh fad na ndearbhthréimhsí ama sin go mbeidh sé chóir a bheith dodhánta nó ródheacair Airteagail 101 agus 102 CFAE a fhorfheidhmiú go héifeachtach.
- (71) Chun a áirithiú go ndéileálfar le cásanna ar bhealach éifeachtach éifeachtúil laistigh den Ghréasán Eorpach Iomaíochta, sna Ballstáit sin ina bhfuil údarás iomaíochta náisiúnta riarcháin □ agus údarás iomaíochta náisiúnta breithiúnach **ainmnithe mar ÚINanna chun críche Airteagail 101 agus 102 CFAE dá dtagraítear in Airteagail 6, 7, 8, 9, 10, 11, 12, 13 agus 16 den Treoir seo**, ba cheart na húdaráis iomaíochta náisiúnta riarcháin a bheith in ann an chaingean a thabhairt go díreach os comhair an údaráis iomaíochta náisiúnta bhreithiúnaigh. Ina theannta sin, agus a mhéid a ghníomhaíonn cúirteanna náisiúnta □ in imeachtaí a thionscnaítear in aghaidh □ cinntí **a rinne** ÚINanna atá ag cur Airteagal 101 CFAE nó Airteagal 102 CFAE i bhfeidhm, ba cheart teidlíocht ionlán a bheith ag na húdaráis iomaíochta náisiúnta astu féin chun páirt a ghlacadh mar ionchúisitheoir, mar chosantóir nó mar fhreagróir sna himeachtaí sin agus ba cheart na cearta céanna a bheith acu le páirtí **poiblí** den sórt sin sna himeachtaí sin.

- (72) An baol go nochtfar ábhar féin-inchoiritheach lasmuigh de chomhthéacs an imscrúdaithe dár soláthraíodh é, is féidir leis an mbaol sin laghdú a dhéanamh ar na dreasachtaí atá ag iarratasóirí féideartha ar thrócaire chun comhoibriú le húdaráis iomaíochta. Mar thoradh air sin, agus beag beann ar an bhfoirm ina gcuirtear ráitis trúcaire isteach, níor cheart úsáid a bhaint as an bhfaisnéis atá i ráitis trúcaire a fuarthas trí rochtain a fháil ar an gcomhad ach amháin nuair is gá déanamh amhlaidh chun cearta cosanta a fheidhmiú in imeachtaí os comhair chúirteanna na mBallstát i gcásanna an-teoranta atá bainteach go díreach leis an gcás inar deonaíodh an rochtain. Níor cheart cosc a chur ar údaráis iomaíochta leis sin na cinntí uathu a fhoilsiu i gcomhréir le dlí an Aontais is infheidhme nó an dlí náisiúnta is infheidhme.
- (73) Gné thábhachtach d'Airteagail 101 agus 102 CFAE a fhorfheidhmiú is ea an fhianaise. Ba cheart do ÚINanna **a bheith** in ann fianaise iomchuí a mheas, is cuma cé acu a tugadh an fhianaise sin i scríbhinn, ó bhéal nó i bhfoirm **leictreonach** nó thaifeadta █. **Ba cheart go n-áireofaí air sin** taifeadtaí ceilte arna ndéanamh ag daoine dlítheanacha nó nádúrtha **nach údaráis phoiblí iad** a mheas, ar an gcoinníoll nach bhfuil na taifeadtaí sin ar an aon fhoinsé fianaise amháin atá ar fáil. Níor cheart gur dhochar an méid sin don cheart chun éisteacht a fháil **agus d'inghlacthacht aon taifead a rinne na húdaráis phoiblí nó a fhaigheann siad.** **Ar an gcaoi chéanna, ba cheart do ÚINanna a bheith in ann teachtaireachtaí leictreónacha a mheas mar fhianaise iomchuí, is cuma má dhealraíonn sé nár léadh iad nó gur scriosadh iad.**

- (74) *Ba cheart go neartófaí an gá leis an dlúthchomhar agus le cumarsáid éifeachtach iltaobhach déthaobhach sa Ghréasán Eorpach Iomaíochta trína áirithiú go bhfuil na cumhachtaí ag ÚINanna a theastaíonn uatha chun go mbeidís ina bhforfheidhmitheoirí níos éifeachtaí. Áirítear air sin bearta boga a fhurbairt chun tacú le cur i bhfeidhm na Treorach agus é sin a éascú.*
- (75) Chun tacú le dlúthchomhar laistigh den Ghréasán Eorpach Iomaíochta, ba cheart don Choimisiún córas lárnach fainnéise (Córas an Ghréasáin Eorpaigh Iomaíochta) a chothabháil, a fhurbairt, a óstáil, a oibriú agus a chothú i gcomhréir leis na caighdeáin iomchuí maidir le rúndacht, cosaint sonraí agus slándáil sonraí. Tá an Gréasán Eorpach Iomaíochta ag brath ar idir-inoibritheacht ionas gur féidir leis feidhmiú ar bhealach éifeachtach éifeachtúil. Is ar bhuiséad ginearálta an Aontais ba cheart na costais a chur a bhaineann leis an gCóras an Ghréasáin Eorpaigh Iomaíochta a chothabháil, a fhurbairt, a óstáil agus a oibriú agus ar na costais a bhaineann le tacaíocht a thabhairt d'úsáideoirí an chórais, mar aon le costais riarracháin eile a thabhófar i dtaca le feidhmiú an Ghréasáin Eorpaigh Iomaíochta, go háirithe na costais a bhaineann le cruinnithe a eagrú. Go dtí an bhliain 2020, foráiltear go gcumhdóidh an clár um réitigh idir-inoibritheachta agus comhchreataí do chórais riarracháin phoiblí Eorpacha (clár ISA<sup>2</sup>) arna bunaítear ag Cinneadh (AE) 2015/2240 ó Pharlaimint na hEorpa agus ón gComhairle<sup>1</sup> na costais a bhaineann le Córas an Ghréasáin Eorpaigh Iomaíochta, ag brath ar na hacmhainní atá ar fáil don chlár, ar incháilitheacht agus ar chritéir tosaíochta.

---

<sup>1</sup> Cinneadh (AE) 2015/2240 ó Pharlaimint na hEorpa agus ón gComhairle an 25 Samhain 2015 lena mbunaítear clár maidir le réitigh idir-inoibritheachta agus le creataí comhchoiteanna d'údarás riarracháin phoiblí, do ghnólachtaí agus do shaoránaigh na hEorpa (clár ISA2) chun an earnáil phoiblí a nuachóiriú (IO L 318, 4.12.2015, lch. 1).

- (76) Ós rud é nach féidir leis na Ballstáit cuspóirí na Treorach seo, is iad sin, a áirithiú go mbeidh ag ÚINanna na ráthaíochtaí maidir le neamhspleáchas agus acmhainní agus cumhachtaí forsheidhmiúcháin agus fineála riachtanacha ionas go mbeidh siad in ann Airteagail 101 agus 102 CFAE a chur i bhfeidhm go héifeachtach agus Airteagail 101 agus 102 CFAE a chur i bhfeidhm go héifeachtach i gcomhthráth leis an dlí iomaíochta náisiúnta, agus feidhmiú éifeachtach an mhargaidh inmheánaigh agus an Ghréasáin Eorpáigh Iomaíochta a áirithiú, a ghnóthú go leordhóthanach ina n-aonar agus, de bharr na héifeachtachta agus na haonfhoirmeachta a theastaíonn maidir le cur i bhfeidhm Airteagal 101 CFAE agus Airteagal 102 CFAE, gur fearr is féidir iad a ghnóthú ar leibhéal an Aontais amháin, go háirithe i bhfianaise raon feidhme críochach na Treorach, fíadfaidh an tAontas bearta a ghlacadh, i gcomhréir le prionsabal na coimhdeachta a leagtar amach in Airteagal 5 den Chonradh ar an Aontas Eorpach. I gcomhréir le prionsabal na comhréireachta a leagtar amach san Airteagal sin, ní théann an Treoir seo thar a bhfuil riachtanach chun an cuspóir sin a ghnóthú.
- (77) I gcomhréir leis an gComhdhearbhú Polaitíochta an 28 Meán Fómhair 2011 ó na Ballstáit agus ón gCoimisiún maidir le doiciméid mhíniúcháin,<sup>1</sup> ghlac na Ballstáit mar chúram orthu féin, i gcásanna a bhfuil bonn cirt leo, doiciméad amháin nó níos mó a chur leis an bhfógra faoina mbearta trasuite, ar doiciméid iad lena míntear an caidreamh idir comhbáhair treorach agus páirteanna comhfhereagracha ionstraimí náisiúnta trasuite. I ndáil leis an Treoir seo, measann an reachtóir go bhfuil bonn cirt le doiciméid den sórt sin a tharchur,

TAR ÉIS AN TREOIR SEO A GHLACADH:

---

<sup>1</sup> IO C 369, 17.12.2011, lch. 14.

CAIBIDIL I  
ÁBHAR, RAON FEIDHME AGUS SAINMHÍNITHE

Airteagal 1

Ábhar agus raon feidhme

1. Leis an Treoir seo, leagtar amach rialacha deimhne chun a áirithíú go mbeidh ag na húdaráis iomaíochta náisiúnta na ráthaíochtaí maidir le neamhspleáchas, acmhainní, agus cumhachtaí forfheidhmiúcháin agus fineála riachtanacha ionas go mbeidh siad in ann Airteagail 101 agus 102 CFAE a chur i bhfeidhm go héifeachtach ionas nach saobhfar an iomaíocht sa mhargadh inmheánach agus nach gcuirfear tomhaltóirí agus gnóthais faoi mhíbhuntáiste le dlíthe agus bearta náisiúnta lena gcuirtear cosc ar na húdaráis iomaíochta náisiúntabheith ina bhforfheidhmitheoirí éifeachtacha.
2. Leis an Treoir seo, cumhdaítear cur i bhfeidhm Airteagail 101 agus 102 CFAE agus cur i bhfeidhm comhchráthach an dlí iomaíochta náisiúnta ar an gcás céanna. **Maidir le hAirteagal 31(3) agus Airteagal 31(4) den Treoir seo**, cumhdaítear leis **an Treoir seo freisin** dlí iomaíochta náisiúnta arna chur i bhfeidhm **ar bhonn aonair**.
3. Leis an Treoir seo, leagtar amach rialacha deimhne maidir le cúnamh frithpháirteach chun feidhmiú rianúil an mhargaidh inmheánaigh agus feidhmiú rianúil an chórais dlúthchomhair sa Ghréasán Eorpach Iomaíochta a chosaint.

Airteagal 2  
Sainmhínithe

1. Chun críocha na Treorach seo, tá feidhm ag na sainmhínithe seo a leanas:

- (1) ciallaíonn 'údarás iomaíochta náisiúnta' údarás arna ainmniú ag Ballstát de bhun Airteagal 35 de Rialachán (CE) *Uimh.* 1/2003 mar údarás atá freagrach as Airteagail 101 agus 102 CFAE a chur i bhfeidhm. féadfaidh Ballstáit údarás iomaíochta riarcháin amháin nó níos mó (údaráis iomaíochta náisiúnta riarcháin)a ainmniú chomh maith le húdaráis breithiúnacha (údaráis iomaíochta náisiúnta breithiúnacha);
- (2) *ciallaíonn 'údarás iomaíochta náisiúnta riarcháin' údarás arna ainmniú ag Ballstát chun feidhmeanna uile údaráis iomaíochta náisiúnta a dhéanamh nó cuid daoibh a dhéanamh;*
- (3) *ciallaíonn 'údarás iomaíochta náisiúnta breithiúnach' údarás breithiúnach arna ainmniú ag Ballstát chun cuid de na feidhmeanna de chuid údaráis iomaíochta náisiúnta a dhéanamh;*
- (4) ciallaíonn 'údarás iomaíochta' údarás iomaíochta náisiúnta █, an Coimisiún, nó an dá cheann díobh, de réir mar a éilíonn an comhthéacs;

- (5) ciallaíonn 'an Gréasán Eorpach Iomaíochta' an **gréasán** údarás poiblí arna chur ar bun ag na húdaráis iomaíochta náisiúnta agus ag an gCoimisiún chun fóram plé agus comhair a chur ar fáil a mhéid a bhaineann le hAirteagail 101 agus 102 CFAE a chur i bhfeidhm agus a fhorfheidhmiú;
- (6) ciallaíonn 'dlí iomaíochta náisiúnta █' forálacha an dlí náisiúnta arb ionann cuspóir dóibh den chuid is mó agus d'Airteagail 101 agus 102 CFAE agus a chuirtear i bhfeidhm ar an gcás céanna agus i gcomhthráth le dlí **iomaíochta** an Aontais de bhun Airteagal 3(1) de Rialachán (CE) Uimh. 1/2003, *mar aon le forálacha an dlí náisiúnta* arb ionann cuspóir dóibh den chuid is mó agus d'Airteagal 101 agus Airteagal 102 CFAE agus *a chuirtear i bhfeidhm ar bhonn aonair maidir le hAirteagal 31(3) agus Airteagal 31(4) den Treoir seo*, seachas forálacha den dlí náisiúnta lena bhforchuirtear pionóis choiriúla ar dhaoine nádúrtha;
- (7) ciallaíonn 'cúirt náisiúnta' cúirt nó binse de chuid Ballstáit de réir bhrí Airteagal 267 CFAE;
- (8) ciallaíonn 'cúirt athbhreithnithe' cúirt náisiúnta a dtugtar cumhacht di le gnáthmhodhanna achomhairc chun athbhreithniú a dhéanamh ar chinntí údaráis iomaíochta náisiúnta nó chun athbhreithniú a dhéanamh ar bhreithiúnais lena bhfógraítear na cinntí **sin**, beag beann ar cé acu atá nó nach bhfuil an chumhacht ag an gcúirt **sin** í féin chun sárú ar dhlí na hiomaíochta a chinneadh;

- (9) ciallaíonn 'imeachtaí forfheidhmiúcháin' na himeachtaí os comhair údarás iomaíochta chun Airteagal 101 CFAE nó Airteagal 102 CFAE a chur i bhfeidhm go dtí go ndúnfaidh an t-údarás iomaíochta sin imeachtaí den sórt sin trí chinneadh dá dtagraítear in *Airteagal 10, Airteagal 12* nó Airteagal *13* den Treoir seo i gcás údaráis iomaíochta náisiúnta, nó cinneadh dá dtagraítear in Airteagal 7, Airteagal 9 nó Airteagal 10 de Rialachán (CE) Uimh. 1/2003 a dhéanamh i gcás an Choimisiúin, nó fad nár tháinig an t-údarás iomaíochta ar an tábal nach bhfuil aon fhoraí ann le tuilleadh gníomhaíochta uaidh;
- (10) ciallaíonn 'gnóthas' dá dtagraítear in Airteagal 101 CFAE agus Airteagal 102 CFAE eintiteas ar bith atá i mbun gníomhaíocht gheilleagrach, beag beann ar a stádas dlíthiúil agus ar an dóigh a maoinítear é █ ;
- (11) █ ciallaíonn cairtéal comhaontú █ nó cleachtas comhbheartaithe idir dhá iomaitheoir nó níos mó arb é is aidhm dó a n-iompraíocht iomaíoch sa mhargadh a chomhordú █ nó dul i gcion ar pharaméadair ábhartha iomaíochta trí chleachtais amhail, *ach gan a bheith teoranta don mhéid seo a leanas*, pragsanna ceannaigh nó díola nó coinníollacha eile trádála, *lena n-áirítear i ndáil le cearta maoine intleachtúla*, a shocrú *nó a chomhordú*; cuotaí táirgeachta nó díolacháin a leithdháileadh; margáí *agus custaiméiri*, a pháirtiú, lena n-áirítear camastaíl tairiscintí; srianta a chur le hallmhairí nó le honnmhairí; █ nó gníomhartha frithiomhaíocha a dhéanamh in aghaidh iomaitheoirí eile █ ;

- (12) ciallaíonn 'cairtéal rúnda' cairtéal a bhfuil a láithreacht | ceilte go páirteach nó go hiomlán;
- (13) ciallaíonn 'díolúine ó fhíneálacha' *díolúine ó fhíneálacha a* d'fhorchuirfí *seachas sin* ar ghnóthas as páirt a ghlacadh i gcairtéal rúnda, **mar** luach saothair ar chomhoibriú **le** húdarás iomaíochta faoi chuimsiú clár trócaire;
- (14) ciallaíonn 'laghdú fíneálacha' *laghdú i méid na fíneála a* d'fhorchuirfí seachas sin ar ghnóthas as páirt a ghlacadh i gcairtéal rúnda, **mar** luach saothair ar chomhoibriú **le** húdarás iomaíochta faoi chuimsiú clár trócaire;
- (15) ciallaíonn 'trócaire' díolúine ó fhíneálacha agus laghdú fíneálacha araon;
- (16) ciallaíonn 'clár trócaire' clár a bhaineann le cur i bhfeidhm Airteagal 101 CFAE nó *foráil chomhfhreagrach faoi* dhlí iomaíochta náisiúnta ar ar a bhonn a chomhoibríonn rannpháirtí i gcairtéal rúnda, go neamhspleách ar na gnóthais eile atá rannpháirteach sa chairtéal, le himscrídú de chuid an údaráis iomaíochta trí léirithe a thabhairt go deonach faoi eolas an rannpháirtí sin ar an gcairtéal agus faoin ról a bhí aige ann, rud ar a bhfaighidh an rannpháirtí sin mar chuíteamh, trí chinneadh nó trí dheireadh a chur le himeachtaí, díolúine ó fhíneálacha nó laghdú fíneálacha as a rannpháirtíocht sa chairtéal;

- (17) ciallaíonn 'ráiteas trócaire' léiriú ó bhéal nó i scríbhinn, nó taifead de, arna thabhairt ag gnóthas nó duine nádúrtha, nó thar a cheann, d'údarás iomaíochta ina ndéantar cur síos ar an eolas atá ag an ngnóthas nó an duine nádúrtha sin ar [ ] chaitéal agus ina ndéantar cur síos ar a ról ann, ar léiriú é a tarraingíodh suas go sonrach lena chur faoi bhráid an údaráis iomaíochta d'fhoinn díolúine nó laghdú fíneálacha a fháil faoi chlár trócaire, gan [ ] fianaise a áireamh atá ann beag beann ar imeachtaí forfheidhmiúcháin, bíodh an fhaisnéis sin i gcomhad údarás iomaíochta nó ná bíodh, ***eadhon faisnéis a bhí ar fáil roimhe sin;***
- [ ]
- (18) ciallaíonn 'aighneacht socraíochta' léiriú deonach arna thabhairt ag gnóthas, nó thar a cheann, d'údarás iomaíochta ina ndéantar cur síos ar admháil an ghnóthais, nó ar a dhiúltú do shéanadh, maidir lena rannpháirtíocht i sárú ar Airteagal 101 ***CFAE nó Airteagal 102*** CFAE nó ar an dlí iomaíochta náisiúnta agus maidir lena fhreagracht as an sárú sin, ar léiriú é a tarraingíodh suas go sonrach chun cur ar chumas an údaráis iomaíochta nós imeachta simplithe nó brostaithe a chur i bhfeidhm;
- (19) ciallaíonn 'iarratasóir' gnóthas a dhéanann iarratas ar dhíolúine ó fhíneálacha nó ar laghdú fíneálacha faoi chlár trócaire;
- (20) ciallaíonn 'údarás is iarratasóir' údarás iomaíochta náisiúnta a dhéanann iarraigdh ar chúnamh frithpháirteach dá dtagraítear in Airteagail ***24, 25, 26, 27 nó 28***;
- (21) ciallaíonn 'údarás iarrtha' údarás iomaíochta náisiúnta a fhaigheann iarraigdh ar chúnamh frithpháirteach agus, i gcás iarraigdh ar chúnamh dá dtagraítear in Airteagail ***25, 26, 27 nó 28***, ***ciallaíonn sé, mar is iomchuí***, an comhlacht poiblí, inniúil ar a bhfuil freagracht phríomha as forfheidhmiú cinntí den sórt sin faoi dhlíthe, rialacháin agus cleachtas riacháin náisiúnta;
- (22) ***ciallaíonn 'cinneadh críochnaitheach' cinneadh nach féidir achomharc a dhéanamh ina aghaidh ar an ngnáthbhealach, nó nach féidir achomharc a dhéanamh ina aghaidh ar an ngnáthbhealach a thuilleadh.***

2. Le gach tagairt sa Treoir seo do chur i bhfeidhm □ Airteagal 101 CFAE agus Airteagal 102 CFAE, **nó** do sháruithe orthu, tuigfear go gcuimsítear an □ dlí iomaíochta náisiúnta □ a chur i bhfeidhm ar an gcás céanna i gcomhthráth.

CAIBIDIL II  
CEARTA BUNÚSACHA

Airteagal 3

Bearta cosanta

1. ***Imeachtaí a bhaineann le sáruithe ar Airteagal 101 CFAE nó ar Airteagal 102 CFAE, lena n-áirítear feidhmiú na gcumhactaí dá dtagraítear sa Treoir seo ag na húdaráis iomaíochta náisiúnta, comhlíonfaidh na himeachtaí sin prionsabail ghinearálta dhlí an Aontais agus an Chait um Chearta Bunúsacha an Aontais Eorpaigh.***
2. ***Áiritheoidh na Ballstáit go mbeidh feidhmiú na gcumhactaí dá dtagraítear i mír 1*** faoi réir coimircí iomchuí ***maidir*** le cearta cosanta na ngnóthas, ***lena n-áirítear an ceart chun éisteacht a fháil*** agus an ceart chun leighis éifeachtaigh os comhair binse □.
3. ***Áiritheoidh na Ballstáit go ndéanfar imeachtaí forfheidhmiúcháin na n-údarás iomaíochta náisiúnta a sheoladh laistigh de thréimhse ama réasúnach.***  
***Áiritheoidh na Ballstáit go nglacfaidh na húdaráis iomaíochta náisiúnta ráiteas agóidí sula ndéanfaidh siad cinneadh de bhun Airteagal 10 den Treoir seo.***

CAIBIDIL III  
NEAMHSPLEÁCHAS AGUS ACMHAINNÍ

Airteagal 4  
Neamhspleáchas

1. Chun neamhspleáchas na n-údarás iomaíochta náisiúnta riacháin a áirithiú agus Airteagail 101 agus 102 CFAE á gcur i bhfeidhm acu, áiritheoidh na Ballstáit gur go neamhchlaonta agus ar mhaithe le cur i bhfeidhm éifeachtach aonfhoirmeach na bhforálacha **sin** a chomhlíonfaidh **údaráis den chineál sin** a ndualgais agus a fheidhmeoidh siad a gcumhactaí, faoi réir ceanglais chuntasachta chomhréireacha agus gan dochar don dlúthchomhar idir na húdaráis iomaíochta sa Ghréasán Eorpach Iomaíochta.
2. Go háirithe, déanfaidh na Ballstáit **a áirithiú, ar a laghad, go gcomhlíonfaidh na baill foirne agus na daoine a dhéanann cinntí sna húdaráis iomaíochta náisiúnta riacháin agus na cumhactaí in Airteagal 10 go hAirteagal 13 agus Airteagal 16 den Treoir seo á bhfeidhmiú acu, go gcomhlíonfaidh siad na coinníollacha seo a leanas:**
  - (a) **go bhféadfaidh siad** a ndualgais a chomhlíonadh agus a gcumhactaí **a fheidhmiú** le haghaidh Airteagail 101 agus 102 CFAE a chur i bhfeidhm go neamhspleách ar thionchar polaitiúil agus tionchar seachtrach eile;

- (b) ní dhéanfaidh siad aon treoracha a iarraidh ná a ghlacadh ón **█** rialtas ná ó **aon** eintiteas poiblí nó príobháideach eile le linn dóibh a ndualgais a chomhlónadh agus a gcumhachtaí a fheidhmiú le haghaidh Airteagail 101 agus 102 CFAE a chur i bhfeidhm, *gan dochar don cheart atá ag rialtas Ballstáit, nuair is iomchuí, rialacha ginearálta beartais a eisiúint nach bhfuil baint acu le fiosrúcháin earnála ná le himeachtaí forfheidhmiúcháin sonracha agus;*
- (c) **staonfaidh** siad ó aon ghníomhaíocht nach luíonn le comhlónadh a ndualgas agus/**nó le** feidhmiú a gcumhachtaí le haghaidh Airteagail 101 agus 102 CFAE a chur i bhfeidhm *agus atá faoi réir nósanna imeachta a áirithíonn, ar feadh tréimhse réasúnta tar éis dóibh a bpost a fhágáil, go staonfaidh siad ó bheith ag plé le himeachtaí forfheidhmiúcháin a d'fhéadfadh a bheith ina gcionsiocair le coinbhleachtaí leasa.*

3. *Na daoine a dhéanann cinntí sna húdaráis iomaíochta náisiúnta riaracháin **lena bhfeidhmítéar na cumhactaí in Airteagal 10 go hAirteagal 13 agus Airteagal 16 den Treoir seo, ní dhífhostófar iad ó údaráis den sórt sin ar chuíseanna a bhaineann le comhlíonadh cuí a ndualgas nó le feidhmiú cuí a gcumhactaí agus Airteagail 101 agus 102 CFAE á gcur i bhfeidhm, dá dtagraítear in Airteagal 5(2) den Treoir seo.*** Ní fhéadfar *iad* a dhífhostú ach amháin mura gcomhlíonann siad na coinníollacha is gá chun a ndualgais a chomhlíonadh a thuilleadh nó **má fhaightear** ciontach iad i mí-iompar tromchúiseach faoin ndlí náisiúnta. Déanfar na *coinníollacha is gá chun a ndualgais a chomhlíonadh agus a bhfuil i gceist le mí-iompar tromchúiseach a leagan síos roimh ré sa dlí náisiúnta, ag cur san áireamh an gá le forfheidhmiú éifeachtach a áirithiú.*
4. *Áiritheoidh Ballstáit go ndéantar na baill den chomhlacht cinnteoireachta d'údaráis iomaíochta náisiúnta riaracháin a roghnú, a earcú nó a cheapadh de réir nósanna imeachta soiléire agus tréadhearcacha a leagtar síos sa dlí náisiúnta roimh ré.*

5. ***Beidh*** an chumhacht ag na húdaráis iomaíochta náisiúnta riachán chun a dtosaíochtaí a shocrú le haghaidh ***na*** cúraimí a chomhlíonadh chun Airteagail 101 agus 102 CFAE a chur i bhfeidhm, ***dá dtagraítear*** in Airteagal 5(2) den Treoir seo. A mhéid atá oibleagáid ar na húdaráis iomaíochta náisiúnta riachán gearán ***fhoirmiúla*** █ a mheas, ***beidh an chumhacht*** ag na húdaráis sin chun gearán den sórt sin a dhiúltú ar na forais nach measann siad gur tosaíochtaí ***forfheidhmiúcháin*** iad ***na gearán sin***. Ní dochar an méid sin don chumhacht atá ag na húdaráis iomaíochta náisiúnta riachán chun gearán a dhiúltú ar fhorais eile a shainítar sa dlí náisiúnta.

Airteagal 5

Acmhainní

1. Áiritheoidh na Ballstáit go bhfuil ***ar a laghad líon leordhóthanach foirne cáilithe agus líon leordhóthanach*** acmhainní airgeadais, teicniúla █ ***agus teicneolaíochta*** is gá ag na húdaráis iomaíochta náisiúnta chun a gcuid dualgas a chomhlíonadh go héifeachtach, agus chun a gcuid cumhachtaí a fheidhmiú ***go héifeachtach*** agus Airteagail 101 agus 102 CFAE á gcur i bhfeidhm mar a ***leagtar amach*** i mír 2 den Airteagal seo.

2. *Chun* críocha mhír 1., beidh na húdaráis iomaíochta náisiúnta *in ann, ar a laghad, imscrúduithe* a dhéanamh d'fhoínn Airteagail 101 agus 102 CFAE a chur i bhfeidhm, *cinntí a ghlaicadh* lena ndéantar na forálacha *sin* a chur i bhfeidhm ar bhonn Airteagal 5 de Rialachán (CE) Uimh. 1/2003; agus *obair* a dhéanamh i ndlúthchomhair sa Ghréasán Eorpach Iomaíochta d'fhoínn cur i bhfeidhm éifeachtach aonfhoirmeach Airteagail 101 agus 102 CFAE a áirithiú. *A mhéid a fhoráiltear faoin dlí náisiúnta, beidh na húdaráis iomaíochta náisiúnta in ann comhairle a chur ar institiúidí agus ar chomhlachtaí poiblí, nuair is iomchuí, maidir le bearta reachtacha, rialála agus riarracháin a d'fhéadfadh tionchar a imirt ar iomaíocht sa mhargadh inmheánach agus beidh siad in ann cur le feasacht an phobail ar Airteagal 101 CFAE agus ar Airteagal 102 CFAE.*
3. *Gan dochar do rialacha agus nósanna imeachta buiséadacha náisiúnta, áiritheoidh na Ballstáit go dtabharfar neamhspleáchas do na húdaráis iomaíochta náisiúnta agus an buiséad arna leithdháileadh á chaithreamh acu chun críocha a gcuid dualgas a chomhlíonadh mar a leagtar amach i mír 2 iad.*
4. *Áiritheoidh na Ballstáit go dtíolacfaidh údaráis iomaíochta náisiúnta riarracháin tuarascálacha tréimhsíúla do chomhlacht rialtais nó parlaiminteach maidir lena gcuid gníomhaiochtaí agus a gcuid acmhainní. Áiritheoidh na Ballstáit go n-áireofar sna tuarascálacha sin faisnéis faoi chomhaltaí de chomhlacht cinnteoirreachta a cheapadh agus a dhífhostú, an méid acmhainní a leithdháileadh sa bhliaín ábhartha agus aon athrú sa mhéid sin le hais na mblianta roimhe sin. Cuirfear na tuarascálacha sin ar fáil go poiblí.*

CAIBIDIL IV  
CUMHACHTAÍ

Airteagal 6

Cumhacht chun iniúchadh a dhéanamh ar áitribh ghnó

1. Áiritheoidh na Ballstáit go bhfuil na húdaráis iomaíochta náisiúnta riacháin ***in ann*** aon iniúchtaí neamhfhógartha is gá dhéanamh ar ghnóthais agus comhlachais gnóthas le haghaidh Airteagail 101 agus 102 CFAE a chur i bhfeidhm. Áiritheoidh na Ballstáit go dtabharfar na cumhactaí seo a leanas ***ar a*** laghad do na hoifigigh agus do dhaoine tionlacain eile arna údarú ***nó arna gceapadh*** ag na húdaráis iomaíochta náisiúnta chun ***iniúchtaí den sórt sin*** a dhéanamh:
  - (a) an chumhacht chun dul isteach in áitreabh, talamh agus modh iompair ar bith de chuid gnóthas agus comhlachas gnóthas;
  - (b) an chumhacht chun scrúdú a dhéanamh ar na leabhair agus ar thaifid eile a bhaineann leis an ngnó, beag beann ar an meán ina bhfuil siad stórálite, ***agus*** an ceart a bheith acu chun rochtain a fháil ar ***aon*** fhaisnéis ar a bhfuil rochtain ag an eintiteas is ábhar don iniúchadh;
  - (c) an chumhacht chun cóipeanna nó sleachta as na leabhair nó taifid sin a ghlacadh nó a fháil i bhfoirm ar bith, agus i gcás ina measfaidh siad é a bheith ***iomchuí***, leanúint de chuardaigh ***den sórt sin*** a dhéanamh agus na cóipeanna nó na sleachta sin ***a roghnú*** in áitreabh na n-údarás iomaíochta náisiúnta nó ***in*** aon áitreabh ainmnithe eile;

- (d) an chumhacht chun aon áitreabh gnó agus aon leabhair nó taifid a shéalú ar feadh thréimhse an iniúchta agus a mhéid is gá chun críche an iniúchta;
  - (e) an chumhacht chun iarraidh ar aon ionadaí ón ngnóthas nó ón gcomhlachas gnóthas nó ar aon bhall foirne den ghnóthas nó den chomhlachas gnóthas mínithe a thabhairt ar fhíoraíl nó ar dhoiciméid a bhaineann le hábhar agus cuspóir an iniúchta agus an freagra a thaifeadadh.
2. Áiritheoidh na Ballstáit go gceanglófar ar ghnóthais agus ar chomhlachais gnóthas géilleadh d'iniúchtaí dá dtagraítear i mír 1. I gcás ina gcuirfídh gnóthas nó comhlachas gnóthas i gcoinne iniúchta **a** d'ordaigh ag údarás iomaíochta náisiúnta riarracháin **agus/nó a** d'údaraigh údarás breithiúnach náisiúnta, féadfaidh na húdaráis iomaíochta náisiúnta cúnamh riachtanach a fháil ó na pólíní nó ó **údarás coibhéiseach** forfheidhmiúcháin chun ligean dóibh an t-**iniúchadh a dhéanamh**. Féadfar cúnamh den sórt sin a fháil mar bheart réamhchúraim.
3. *Ní dochar an tAirteagal seo do na ceanglais faoin dlí náisiúnta maidir le réamhúdarú iniúchtaí den chineál sin ó údarás breithiúnach náisiúnta.*

## Airteagal 7

### Cumhacht chun iniúchadh a dhéanamh ar áitribh eile

1. I gcás ina mbeidh amhras réasúnta ann go bhfuil leabhair nó taifid eile a bhaineann leis an ggnóthas agus le hábhar an iniúchta, **agus** a d'fhéadfadh a bheith ábhartha chun **sárú** ar Airteagal 101 CFAE nó Airteagal 102 CFAE a chruthú, á gcoinneáil in aon áitribh nó in aon talamh nó modh iompair seachas iad sin dá dtagraítear in Airteagal 6(1) den Treoir seo, lena n-áirítear tithe na stiúrthóirí, na mbainisteoirí agus na mball foirne eile de ghnóthais **nó de** chomhlachais gnóthas, áiritheoidh na Ballstáit go mbeidh na húdaráis iomaíochta náisiúnta riarracháin in ann iniúchtaí neamhfhogartha a dhéanamh ar aon áitribh, talamh agus modhanna iompair den sórt sin.
2. **Ní dhéanfar** iniúchtaí den sórt sin gan réamhúdarú ó údarás breithiúnach náisiúnta.
3. Áiritheoidh na Ballstáit go mbeidh na cumhachtaí sin a leagtar amach i bpóinte (a), (b) agus (c) d'Airteagal 6(1) agus Airteagal 6(2) **ar a laghad** ag na hoifigigh agus na daoine tionlacain eile atá údaraithe **nó ceaptha** ag **údaráis iomaíochta** náisiúnta chun iniúchadh a dhéanamh i gcomhréir le mír 1 den Airteagal seo.

Airteagal 8  
Iarrataí ar fhaisnéis

Áiritheoidh na Ballstáit go bhféadfaidh na húdaráis iomaíochta náisiúnta riarcháin ceangal a chur ar ghnóthais agus comhlachais gnóthas an fhaisnéis riachtanach ar fad a chur ar fáil laistigh de *theorainn ama sonraithe, réasúnta* le haghaidh Airteagail 101 agus 102 CFAE a chur i bhfeidhm. *Beidh iarrataí ar fhaisnéis den sórt sin comhréireach agus ní chuirfidh siad iallach ar sheolaí na hiarrata sárú ar Airteagail 101 agus 102 CFAE a admháil.* Cumhdófar leis an oibleagáid chun faisinéis uile is gá a chur ar fáil faisinéis a bhfuil rochtain ag gnóthais *nó* ag comhlachais gnóthas *den sórt sin* uirthi. *Tabharfar de chumhacht do na húdaráis iomaíochta náisiúnta freisin chun a chur de cheangal ar aon duine eile, atá ina duine nádúrtha nó dlítheanach, faisinéis a chur ar fáil a d'fhéadfadh a bheith ábhartha i leith chur i bhfeidhm Airteagail 101 agus 102 CFAE laistigh de theorainn ama atá sonraithe agus réasúnta.*

*Airteagal 9  
Agallaimh*

*Áiritheoidh na Ballstáit go mbeidh sé de chumhacht ag na húdaráis iomaíochta náisiúnta riarcháin aon ionadaí de chuid gnóthais nó de chuid comhlachas gnóthas, aon ionadaí na ndaoine dlítheanacha eile, agus aon duine nádúrtha, a d'fhéadfadh faisinéis a bheith ag ionadaí nó duine den sort sin a bheadh ábhartha i leith chur i bhfeidhm Airteagal 101 CFAE agus Airteagal 102 CFAE, a ghairm chuig agallamh.*

## Airteagal 10

Sárú a chinneadh agus deireadh a chur leis

1. I gcás ina gcinnfidh na húdaráis iomaíochta náisiúnta go ndearnadh □ sárú ar Airteagal 101 CFAE nó Airteagal 102 CFAE, áiritheoidh na Ballstáit go bhféadfaidh na húdaráis iomaíochta náisiúnta, trí chinneadh a dhéanamh, ceangal a chur ar na gnóthais agus na comhlachais gnóthas lena mbaineann deireadh a chur leis an sárú *sin*. Chun na críche sin, féadfaidh siad aon leigheasanna iompraíochta nó struchtúrtha a fhorchur atá comhréireach leis an sárú a rinneadh agus atá riachtanach chun deireadh a chur leis an sárú go héifeachtach. *Agus rogha á déanamh idir dhá réiteach atá chomh héifeachtach céanna, roghnóidh na húdaráis iomaíochta náisiúnta an réiteach a roghnú, arb é an ceann is lú ualach oibríochtaíil don ghnóthas é, i gcomhréir le prionsabail na comhréireachta.*

*Áiritheoidh na Ballstáit go bhfuil sé de chumhacht ag na húdaráis iomaíochta náisiúnta a chinneadh go ndearnadh sárú ar Airteagal 101 nó 102 CFAE san am a chuaigh thart.*

2. *I gcás ina gcinneann na húdaráis iomaíochta náisiúnta, tar éis dóibh an Coimisiún a chur ar an eolas faoi i gcomhréir le hAirteagal 11(3) de Rialachán (CE) Uimh. 1/2003, nach bhfuil foras ann le leanúint le himeachtaí forfheidhmiúcháin , agus dá bhrí sin, go gcuireann siad deireadh leis na himeachtaí forfheidhmiúcháin sin, áiritheoidh na Ballstáit go gcuirfidh na húdaráis iomaíochta náisiúnta an Coimisiún ar an eolas dá réir.*

## *Airteagal 11*

### **Bearta eatramhacha**

1. Áiritheoidh na Ballstáit go bhfuil sé de chumhacht ag na húdaráis iomaíochta náisiúnta gníomhú ar a dtionscnamh féin trí chinneadh a dhéanamh go bhforchuirfí bearta eatramhacha ar ghnóthais ***agus ar chomhlachais gnóthas*** sna cásanna sin ar a laghad ina bhfuil práinn mar gheall ar an mbaol go ndéanfaí dochar tromchúiseach doleigheasta don iomaíocht ar bhonn cinnidh prima facie go ndearnadh sárú ar Airteagal 101 CFAE nó Airteagal 102 CFAE. Beidh cinneadh den sórt sin ***comhréireach agus*** beidh feidhm aige ar feadh tréimhse ***shonraithe ama a bhféadfai*** síneadh a chur léi a mhéid is gá agus is cuí, ***nó go dtí go ndéanfar an cinneadh críochnaitheach. Cuirfidh na húdaráis iomaíochta náisiúnta an Gréasán Eorpach Iomaíochta ar an eolas go ndearnadh na bearta eatramhacha sin a fhorchur.***
2. ***Áiritheoidh na Ballstáit gur féidir athbhreithniú a dhéanamh ar dhlíthiúlacht na mbeart eatramhach dá dtagraítear i mír 1, lena n-áirítear ar a gcuid comhréireachta, i nósanna imeachta a chomhairc brostaithe.***

1. In imeachtaí forfheidhmiúcháin arna dtionscnamh d'fhoinn cinneadh a **ghlacadh** lena gceanglaítear go gcuirfear deireadh le sárú ar Airteagal 101 CFAE nó Airteagal 102 CFAE, áiritheoidh na Ballstáit go bhféadfaidh údaráis iomaíochta náisiúnta, ***tar éis dóibh dearcadh na rannpháirtithe sa mhargadh a fháil, go foirmiúil nó go neamhfhoirmiúil***, trí chinneadh a dhéanamh, na gealltanais a thugann gnóthais ***nó comhlachais gnóthas a chur de cheangal, i gcás ina gcomhlíonann na gealltanais sin*** na hábhair imní a chuireann na húdaráis iomaíochta náisiúnta in iúl. Féadfar cinneadh den sórt sin a ghlacadh ar feadh tréimhse shonrach ama, agus tiocfar ar an gconclúid ann nach bhfuil aon phorais ann a thuilleadh le gníomhaíocht ag an údarás iomaíochta náisiúnta lena mbaineann.
2. ***Áiritheoidh na Ballstáit go bhfuil na cumhactai éifeachtacha ag na húdaráis iomaíochta náisiúnta chun faireacháin a dhéanamh ar chur chun feidhme na ngealltanais dá dtagraítear i mír 1.***

3. *Airitheoidh na Ballstáit gur féidir leis na húdaráis iomaiochta náisiúnta imeachtaí forfheidhmiúcháin a athoscailt i gcás inar tháinig athruithe ábhartha ar aon cheann de na fíoraí ar a raibh cinneadh dá dtagraítear i mír 1 bunaithe, i gcás ina ngníomhaíonn na gnóthais nó na comhlachais ghnóthas ar bhealach a thagann salach ar a gcuid gealltanas, nó i gcás ina raibh cinneadh dá dtagraítear i mír 1 bunaithe ar fhaisnéis neamhiomlán, mhícheart nó mhíthreorach a chuir na páirtithe ar fáil.*

## CAIBIDIL V

### FÍNEÁLACHA AGUS ÍOCAÍOCHTAÍ PIONÓSACHA TRÉIMHSIÚLA

#### Airteagal 13

Fíneálacha ar ghnóthais agus ar chomhlachais ghnóthas

1. █ Áiritheoidh na Ballstáit go bhféadfaidh na húdaráis iomaiochta náisiúnta riacháin fineálacha éifeachtacha, comhréireacha agus **athchomhairleacha** a fhorchur trí chinneadh ina n-imeachtaí forfheidhmiúcháin **féin**, nó trína iarraidh in imeachtaí breithiúnacha neamhchoiriúla go bhforchuirfí iad, ar ghnóthais nó ar chomhlachais gnóthas i gcás ina mbeidh Airteagal 101 CFAE nó Airteagal 102 CFAE sáraithe acu, d'aon ghnó nó le failí.

2. Áiritheoidh na Ballstáit, ***ar a laghad***, go bhféadfaidh na húdaráis iomaíochta náisiúnta riachán fineálacha éifeachtacha, comhréireacha agus ***athchomhairleacha*** a fhorchur trí chinneadh ina n-imeachtaí forfheidhmiúcháin ***féin***, nó trína iaraidh in imeachtaí breithiúnacha neamhchoiriúla go bhforchuirfí iad, ar ghnóthais ***agus*** ar chomhlachais gnóthas. Déanfar fineálacha den sórt sin a chinneadh i gcomhréir lena láimhdeachas iomlán ***domhanda***, i gcás inarb amhlaidh, d'aon ghnó nó le faillí:
- (a) go mainníonn siad iniúchadh dá dtagraítear in Airteagal 6(2) a chomhlíonadh;
  - (b) gur briseadh séalaí arna bhfeistiú ag oifigigh nó ag daoine tionlactha eile arna n-údarú ag na húdaráis iomaíochta náisiúnta dá dtagraítear i bpointe (d) d'Airteagal 6(1);
  - (c) maidir le ceist dá dtagraítear i bpointe (e) d'Airteagal 6(1), go dtugann siad freagra mícheart nó míthreorach, go mainníonn said nó go ndiúltáionn siad freagra iomlán a thabhairt ;
  - (d) go ndéanann siad faisnéis mhícheart, neamhiomlán nó mhíthreorach a thbáhart mar fhreagra ar iaraidh dá dtagraítear ***in*** Airteagal 8 nó nach dtugann siad an fhaisnéis laistigh den teorainn ama arna sonrú;
  - (e) ***go mainníonn siad teacht chuig agallamh dá dtagraítear in Airteagal 9;***
  - (f) ***go mainníonn*** siad cinneadh dá dtagraítear in Airteagal 10, Airteagal 11 agus Airteagal 12 a chomhlíonadh.

3. Áiritheoidh na Ballstáit go gceadaítear leis na *himeachtaí dá dtagraítear i mír 1 agus i mír 2 fíneálacha éifeachtacha, comhréireacha agus athchomhairleacha a fhorchur.*
4. *Ní dochar an tAirteagal seo do na dlíthe náisiúnta ina gceadaítear smachtbhannai a fhorchur in imeachtaí breithiúnacha coiriúla ar choinníoll nach ndéanann cur i bhfeidhm na ndlíthe sin difear d'fhorfheidhmiú éifeachtach agus aonfhoirmeach Airteagal 101 CFAE agus Airteagal 102 CFAE.*
5. *Áiritheoidh na Ballstáit go gcuirfear coincheap an ghnóthais i bhfeidhm chun críche fíneálacha a fhorchur ar mháthairchuideachtaí agus ar chomharbaí dlíthiúla agus eacnamaíocha gnóthas.*

Airteagal 14

Fíneálacha a ríomh

1. Áiritheoidh na Ballstáit go dtabharfar aird ar thromchúis agus ar ré an tsáraithe agus méid na fíneála atá le forchur i leith sárú ar Airteagal 101 CFAE nó Airteagal 102 CFAE á chinneadh ag na húdaráis iomaíochta náisiúnta.
2. *Agus méid na fíneála á chinneadh ag na húdaráis iomaíochta náisiúnta, atá le forchur mar thoradh ar shárú ar Airteagal 101 CFAE nó Airteagal 102 CFAE, féadfaidh na húdaráis sin, i gcomhréir le hAirteagal 18(3) de Threoir 2014/104/AE, aon chuíteamh a íocadh mar thoradh ar chomhshocrú toiliúil a mheas.*

3. I gcás ina bhforchuirfear fineáil ar chomhlachas gnóthas ***mar gheall ar shárú ar Airteagal 101 CFAE nó ar Airteagal 102 CFAE***, agus aird á tabhaint ar láimhdeachas a chuid ball, agus nach mbeidh an comhlachas sócmhainneach, áiritheoidh na Ballstáit go gcuirfear ceangal ar an gcomhlachas ranníocaíochtaí a iarraidh óna chuid ball chun suim na fineála a íoc.
4. I gcás ***nach ndearnadh na ranníocaíochtaí dá dtagraítear i mír 3 ina n-ionláine laistigh de theorainn ama arna socrú ag na húdaráis iomaíochta náisiúnta***, áiritheoidh na Ballstáit go bhféadfaidh na húdaráis iomaíochta náisiúnta a éileamh go ndéanfar ceann ar bith de na gnóthais a raibh a n-ionadaithe ina gcomhaltaí de chomhlachtaí cinnteoireachta an chomhlachais an █ fhíneáil a íoc ***go díreach. Tar éis*** dóibh ***íocaiocht a iarraidh ó na gnóthais sin, i gcás inar gá chun a áirithiú go n-iocatar an fhíneáil ina hiomláine, féadfaidh*** na húdaráis iomaíochta náisiúnta a éileamh go ndéanfaidh ceann ar bith de na baill den chomhlachas a bhí gníomhach sa mhargadh ina ndearnadh an sárú an méid den fhíneáil atá amuigh a íoc. Ní éileofar íocaiocht ***faoin mír seo***, áfach, ar na ***gnóthais sin a léiríonn*** nár chuir ***siad cinneadh sáraitheach an chomhlachais*** chun feidhme agus nach raibh siad eolach air nó nár thug siad aon aird ar an gcinneadh sular cuireadh túis leis an imscrúdú.

## Airteagal 15

### Méid uasta na fineála

1. Maidir leis [ ] an bhfineáil a fhéadfaidh **údaráis** iomaíochta náisiúnta a fhorchur ar gach gnóthas nó comhlachas gnóthas a ghlacann páirt i sárú ar Airteagal 101 CFAE nó Airteagal 102 CFAE, áiritheoidh na Ballstáit nach lú **méid uasta na fineála** ná 10 % dá láimhdeachas domhanda iomlán sa bliaín ghnó roimh an gcinneadh dá dtagraítear in Airteagal 13(1).
2. I gcás ina mbainfidh sárú ag comhlachas gnóthas le gníomhaíochtaí a chuid ball, ní shocrófar méid uasta na fineála ar leibhéal atá **faoi bhun** 10 % de shuim láimhdeachas domhanda iomlán gach baill atá gníomhach sa mhargadh a dtéann an sárú ag an gcomhlachas i gcion air. Mar sin féin, ní mó ná an méid uasta a shocraítear i gcomhréir le mír 1 a bheidh dliteanas airgeadais gach gnóthais i leith íoc na fineála.

Airteagal 16  
Íocaíochtaí pionósacha tréimhsíúla

1. Áiritheoidh na Ballstáit go bhféadfaidh na húdaráis iomaíochta náisiúnta riachán, trí chinneadh, pionósacha tréimhsíúla atá éifeachtúil, comhréireach agus **athchomhairleach** a fhorchur ar ghnóthais agus ar chomhlachais gnóthas. Déanfar íocaíochtaí pionósacha tréimhsíúla den sórt sin a chinneadh i gcomhréir lena **meánláimhdeachas domhanda** ionlán laethúil **don bhliaín ghnó roimhe sin in aghaidh an lae agus arna ríomh ón dáta a socraítear sa chinneadh** d'fhoill iallach a chur ar na gnóthais agus ar na comhlachais gnóthas sin an méid seo a leanas a dhéanamh **ar a laghad**:

|

- (a) faisnéis ionlán cheart a sholáthar, dá dtagraítear in Airteagal 8,
- (b) **teacht chuig agallamh dá dtagraítear in Airteagal 9.**
2. Áiritheoidh na Ballstáit go bhféadfaidh na húdaráis iomaíochta náisiúnta, trí chinneadh a dhéanamh, íocaíochtaí pionósacha tréimhsíúla éifeachtacha, comhréireach agus athchomhairleacha a fhorchur ar ghnóthais agus ar chomhlachais gnóthas. Déanfar íocaíochtaí pionósacha tréimhsíúla den sórt sin a chinneadh i gcomhréir le meánláimhdeachas domhanda ionlán laethúil ghnóthas nó chomhlachas gnóthas den sórt sin **sa bhliaín ghnó roimhe sin in aghaidh an lae agus arna ríomh ón dáta a socraítear sa chinneadh d'fhoill iallach a chur orthu an méid seo a leanas a dhéanamh ar a laghad**:
- (a) **géilleadh d'iniúchadh dá dtagraítear in Airteagal 6(2);**
- (b) cinneadh dá dtagraítear in Airteagal 10, Airteagal 11 agus Airteagal 12 a chomhlíonadh.

CAIBIDIL VI  
**CLÁIR THRÓCAIRE DO CHAIRTÉIL RÚNDA**

Airteagal 17

Díolúine ó fhíneálacha

1. Áiritheoidh na Ballstáit go mbeidh cláir thrócaire i bhfeidhm ag na húdaráis iomaíochta náisiúnta lena gcumasófar dóibh díolúine ó fhíneálacha a dheonú do ghnóthais *as rannpháirtíocht a nochtadh i gcairtéil rúnda. Ní dochar an méid sin do chláir thrócaire a bheith ar bun ag na húdaráis iomaíochta náisiúnta do sháruithe nach sáruithe maidir le cairtéil rúnda iad nó do chláir thrócaire a bheith ar bun acu lena gcumasaítear dóibh díolúine ó fhíneálacha a dheonú do dhaoine nádúrtha.*
2. Áiritheoidh na Ballstáit nach **ndeonaítear** díolúine ó fhíneálacha ach sna cásanna seo a leanas:
  - (a) go gcomhlíonann an t-iarratasóir na coinníollacha a leagtar síos in Airteagal 19;
  - (b) go nochtann an t-iarratasóir a rannpháirtíocht i gcairtéal rúnda; agus

- (c) go bhfuil an gnóthas ar an gcéad cheann le fianaise a chur isteach:
- (i) lena gcumasaítear don údarás iomaíochta náisiúnta, tráth a fhaigheann sé an t-iarratas, iniúchadh spriocdhírithe a dhéanamh i dtaca leis an gcairtéal rúnda, ar choinníoll nach raibh fianaise **leordhóthanach** ina sheilbh ag an údarás iomaíochta náisiúnta cheana féin chun iniúchadh a dhéanamh i dtaca leis an gcairtéal rúnda nó nach raibh iniúchadh den sórt sin déanta aige cheana féin; nó
  - (ii) **gur leor sin**, i dtuairim an údaráis iomaíochta náisiúnta, chun cinneadh a dhéanamh go ndearnadh sárú **arna chuimsiú leis an gelár trócaire**, ar choinníoll nach raibh fianaise **leordhóthanach** ina sheilbh ag an údarás iomaíochta náisiúnta cheana féin chun a chinneadh go ndearnadh sárú den sórt sin agus nár chailigh aon ghnóthas eile roimhe sin le haghaidh díolúine ó fhíneálacha faoi mhír 2(c)(i) i dtaca leis an gcairtéal **rúnda sin**.
3. Áiritheoidh na Ballstáit go mbeidh gach gnóthas incháilithe le haghaidh díolúine ó fhíneálacha cé is moite de ghnóthais a rinne bearta chun iallach a chur ar ghnóthais eile a bheith **rannpháirteach** i gcairtéal rúnda **nó leanúint de bheith rannpháirteach ann**.

4. *Áiritheoidh na Ballstáit go gcuirfidh na húdaráis iomaiochta náisiúnta iarratasóir ar dhíolúine ar an eolas maidir le cibé ar tugadh diolúine coinníollach ó fhíneálacha dó nó nár tugadh. Féadfaidh an t-iarratasóir ar dhíolúine a iarraidh go ndéanfaidh na húdaráis iomaiochta náisiúnta é a chur ar an eolas i scríbhinn maidir le toradh a iarratais ar dhíolúine ó fhíneálacha. I gcásanna diúltaithe, féadfaidh an t-iarratasóir lena mbaineann iarraidh ar an údarás iomaiochta náisiúnta a mheas a dhéanamh ar an iarratas ar laghdú ar fhíneálacha.*

Airteagal 18

Fíneálacha a laghdú

1. Áiritheoidh na Ballstáit go mbeidh cláir thrócaire i bhfeidhm ag na húdaráis iomaiochta náisiúnta lena gcumasófar dóibh laghdú ar fhíneálacha *atá le forchur as rannpháirtíocht i gcairtéil rúnda a dheonú do ghnóthais nach gcáilíonn le haghaidh díolúine ó fhíneálacha. Ní dochar an méid sin do chláir thrócaire a bheith ar bun ag na húdaráis iomaiochta náisiúnta do sháruithe nach sáruithe maidir le cairtéil rúnda iad nó do chláir thrócaire a bheith ar bun acu lena gcumasaítear dóibh laghdú fíneálacha a dheonú do dhaoine nádúrtha.*

2. Áiritheoidh na Ballstáit nach ndeonófar laghdú fineálacha ach amháin:
- (a) i gcás ina gcomhlíonfar na coinníollacha a leagtar síos in Airteagal 19
  - (b) go nochtfaidh an t-iarratasóir a rannpháirtíocht i gcairtéal rúnda; agus
  - (c) go dtabharfaidh sé fianaise ar an gcairtéal rúnda líomhnaithe don údarás iomaíochta náisiúnta arb ionann í agus breisluach suntasach chun a chruthú go ndearnadh sárú ***a chuimsítear faoin glár trócaire*** nó ar fhoráil chomhfhreagrach den dlí náisiúnta, i gcoibhneas leis an bhfianaise atá i seilbh an údaráis iomaíochta náisiúnta tráth an iarratais.
3. Áiritheoidh na Ballstáit, i gcás ina dtabharfaidh ***an t-iarratasóir*** fianaise ***láidir*** a mbainfidh an t-údarás iomaíochta náisiúnta úsáid aisti chun firinne tuilleadh fioras a chruthú as a dtiocfaidh méadú ar fhíneálacha i gcomparáid leis na fineálacha a d'fhorchuirfí ar na rannpháirtithe sa chaitréal rúnda seachas sin, ***ní chuirfidh an t-údarás iomaíochta náisiúnta na floraí sin san áireamh agus fineáil ar bith á socrú a fhorchuirfear ar an iarratasóir ar laghdú fineálacha a chuir an fhianaise sin ar fáil.***

## Airteagal 19

### Cóinníollacha ginearálta le haghaidh trócaire

Chun cáiliú le haghaidh trócaire ***as rannpháirtíocht i gcairtéil rúnda***, áiritheoidh na Ballstáit go gceanglaítear ar an iarratasóir na coinníollacha seo a leanas a chomhlíonadh:

- (a) chuir sé deireadh lena rannpháirtíocht sa chairtéal rúnda líomhnaithe díreach tar éis dó a iarratas a dhéanamh, ***ar a dhéanaí***, seachas an méid sin a bheadh ag teastáil le réasún, i dtuairim an údaráis iomaíochta náisiúnta inniúil, chun sláine a imscrúdaithe a chaomhnú;
- (b) comhoibríonn sé go dílis agus go hiomlán ar bhonn leanúnach tapa leis an údarás iomaíochta náisiúnta ón uair a dhéanann sé iarratas go dtí go mbeidh a imeachtaí forsheidhmiúcháin in aghaidh gach páirtí atá á n-imscrudú tugtha chun críche ag an údarás trí chinneadh a ghlacadh nó go dtí go mbeidh deireadh curtha ag an údarás lenaimeachtaí forsheidhmiúcháin ar shlí eile; áirítear leis an gcomhar sin:
  - (i) an fhaisnéis ábhartha agus an fhianaise ábhartha ar fad a bhaineann leis an gcairtéal rúnda líomhnaithe a thiocfaidh ina sheilbh nó ar a mbeidh ***fáil*** aige air a chur ar fáil don údarás iomaíochta náisiúnta go pras, ***go háirithe***:
    - ***ainm agus seoladh an iarratasóra***

- *ainmneacha gach gnóthas eile atá rannpháirteach nó a bhí rannpháirteach sa chairtéal rúnda líomhnaithe;*
  - *cur síos mionsonraithe ar an gcairtéal rúnda líomhnaithe, lena n-áirítear na táirgí agus na críocha lena mbaineann, ré, agus cineál iompraiocht an chaireáil rúnda líomhnaithe;*
  - *faisnéis maidir le hiarratais ar thrócaire a cuireadh san am a chuaigh thart, nó a d'fhéadfaí a chur amach anseo, chuig aon údarás iomaiochta náisiúnta eile, chuig an gCoimisiún nó chuig údaráis iomaiochta triú tíortha, maidir leis an gcairtéal rúnda líomhnaithe.*
- (ii) bheith ar fáil don údarás iomaiochta náisiúnta chun freagra a thabhairt ar aon iarraidh a d'fhéadfadh cur leis na fiorais a dhéanamh amach;
- (iii) *stiúrthóirí, bainisteoirí agus baill foirne eile a chur ar fáil le haghaidh agallaimh leis an údarás iomaiochta náisiúnta agus iarrachtaí réasúnta a dhéanamh* | iarstiúrthóirí, *iarbhainisteoirí agus baill foirne eile a chur ar fáil le haghaidh agallaimh leis an údarás iomaiochta náisiúnta;*

- (iv) gan fainnéis ábhartha ná fianaise ábhartha a scriosadh, a bhrionnú ná a cheilt; agus
  - (v) gan a nochtadh go ndearna sé iarratas agus gan ábhar a iarratais a nochtadh sula mbeidh agóidí eisithe ag an údarás iomaíochta náisiúnta sna himeachtaí forfheidhmiúcháin os a chomhair, mura bhfuil a mhalaire comhaontaithe; agus
- (c) ***nuaire atá sé ag beartú*** iarratas a dhéanamh chuig an údarás iomaíochta náisiúnta, ní mór an méid seo a leanas gan a bheith déanta aige:
- (i) fianaise ar an gcairtéal líomhnaithe a scriosadh, a bhrionnú ná a cheilt; nó
  - (ii) a nochtadh go raibh sé ag beartú iarratas a dhéanamh nó cuid ar bith d'ábhar a iarratais bheartaithe a nochtadh, seachas d'údaráis iomaíochta ***náisiúnta*** eile, ***don Choimisiún nó d'údaráis iomaíochta triú tíortha.***

1. Áiritheoidh na Ballstáit go bhfuil iarratasóirí is ann *ráitis trócaire maidir le hiarratais iomlána nó iarratais achoimre* i scríbhinn a chur isteach agus go bhfuil córas i bhfeidhm ag na húdaráis iomaíochta náisiúnta *freisin* lena gcumasófar dóibh glacadh le ráitis *den sórt sin*, ó bhéal nó ar bhealaí eile, lena *gceadaítear d'iarratasóirí gan seilbh* a ghlacadh *ar na hiarratais sin a cuireadh isteach* ná na ráitis sin a choimeád ná dul i gceannas orthu.
2. *Arna iarraidh sin ag an iarratasóir, déanfaidh an t-údarás iomaíochta náisiúnta a admháil i scríbhinn go bhfuair sé an t-iarratas iomlán nó achoimre ar thrócaire agus luafar an dáta agus an t-am a fuarthas an t-iarratas.*
3. *Beidh iarratasóirí in ann ráitis thrócaire a thiolacadh maidir le hiarratais iomlána nó achoimre i dteanga oifigiúil nó i gceann de theangacha oifigiúla Bhallstát an údaráis iomaíochta náisiúnta lena mbaineann nó i dteanga oifigiúil eile de chuid an Aontais arna haontú go déthaobhach idir an t-údarás iomaíochta náisiúnta agus an t-iarratasóir.*

***Marcóirí d'iarraatais*** ar dhíolúine ó fhíneálacha

1. Áiritheoidh na Ballstáit go bhféadfar, ***ar dtús***, áit sa scuaine le haghaidh ***trécaire*** a dheonú do ***ghnóthais*** ar mhaith leo ***iarraatas ar dhíolúine*** ó fhíneálacha ***a dhéanamh ina ndéantar an méid sin a iarraidh amhlaidh***, ar feadh tréimhse ┌ a bheidh le sonrú de réir an cháis ag an údarás iomaíochta náisiúnta, ***d'fhoinn*** deis a thabhairt don t-iarraatasóir an fhaisnéis agus an fhianaise riachtanach a bhailiú chun an tairseach ábhartha fianaise le haghaidh díolúine ó fhíneálacha a chomhlíonadh.
2. Áiritheoidh na Ballstáit go bhféadfaidh na húdaráis iomaíochta náisiúnta a roghnú cé acu a dheonóidh nó nach ndeonóidh siad ***an iarraidh de bhun mhír 1.***

***Aon ghnóthas a thiolacfaidh iarraidh den sórt sin, cuirfidh sé faisnéis ar fáil, i gcás ina mbeidh fáil uirthi, don údarás iomaíochta náisiúnta, amhail:***

- (a) ***ainm agus seoladh an iarratasóra;***
- (b) ***bunús an ábhair inní as a d'eascair an t-iarraatas;***
- (c) ***ainmneacha gach gnóthas eile atá rannpháirteach nó a bhí rannpháirteach sa chairtéal rúnda liomhnaithe;***

- (d) *na táirgí agus na críocha lena mbaineann;*
- (e) *ré agus cineál iompraiocht an chairtéil rúnda líomhnaithe;*
- (f) *faisnéis maidir le hiarratais ar thrócaire a cuireadh san am a chuaigh thart, nó a d'fhéadfáí a chur amach anseo, chuig aon údarás iomaíochta, maidir leis an gcairtéal rúnda líomhnaithe.*
3. *Aon fhaisnéis agus fianaise a chuireann an t-iarratasóir ar fáil laistigh den tréimhse shonraithe dá dtagraítear i mír 1, áiritheoidh na Ballstáit go measfar an fhaisnéis agus an fianaise sin a bheith curtha isteach tráth a rinneadh an **iarraidh thosaigh**.*
4. *Beidh iarratasóirí in ann iarraighe de bhun mhír 1 a thíolacadh i dteanga oifigiúil nó i gceann de theanga oifigiúla Bhallstát an údarás iomaíochta náisiúnta lena mbaineann nó i dteanga oifigiúil eile de chuid an Aontais a aontaíodh go déthaobhach idir an t-údarás iomaíochta náisiúnta agus an t-iarratasóir.*
5. *Féadfaidh na Ballstáit foráil a dhéanamh freisin don fhéidearthacht go ndéanfaidh gnóthais ar mian leo iarratas a dhéanamh ar laghdú fineálacha, iarraighe a dhéanamh ar dtús ar áit sa scuaine do thrócaire.*

1. Áiritheoidh na Ballstáit go *nglacfaidh na húdaráis iomaíochta náisiúnta le hiarratais achoimre* ó iarratasóirí a chuir iarratas ar thrócaire *chuig an gCoimisiún*, trí iarratas a dhéanamh ar *mharcóir* nó trí iarratas ionlán █ a dhéanamh maidir leis an *gcairtéal rúnda líomhnaithe céanna, ar choinnioll go gcuimsítear níos mó ná trí Bhallstát sna hiarratais mar chríocha lena mbaineann.*
2. Is éard a *bheidh in* iarratais *achoimre* cur síos gearr ar *gach ceann* de na nithe seo a leanas █ :
  - (a) ainm agus seoladh an iarratasóra;
  - (b) ainmneacha páirtithe eile sa chairtéal rúnda líomhnaithe;
  - (c) an táirge/na táirgí *lena mbaineann*;
  - (e) ré agus cineál iompraíocht an chairtéil líomhnaithe;
  - (e) an Ballstát/na Ballstáit ar dócha go mbeidh fianaise ar fáil ann/iontu; agus

- (f)   faisnéis faoi iarratais eile a rinne an t-iarratasóir ar thrócaire san am atá thart nó a d'fhéadfadh sé a dhéanamh sa todhchaí i dtaca leis an gcairtéal líomhnaithe.
3. *I gcás ina bhfaigheann an Coimisiún iarratas iomlán agus ina bhfaigheann na húdaráis iomaíochta náisiúnta iarratas achoimre, is é an Coimisiún a bheidh ina phríomhdirghabhálaí don iarratasóir ar thrócaire, go háirithe ó thaobh treoracha a chur ar fáil maidir le seoladh aon imscrúdaithe inmheánaigh bhreise a dhéanfaidh an t-iarratasóir, sa tréimhse sula mbeidh soiléireacht ann cibé an saothróidh nó nach saothróidh an Coimisiún an cás ina iomláine nó i bpáirt. Le linn na tréimhse sin, cuirfidh an Coimisiún na húdaráis iomaíochta náisiúnta lena mbaineann ar an eolas maidir leis an staid mar atá arna iarraigd sin dóibh.*
- Áiritheoidh na Ballstáit **nach bhféadfaidh** na húdaráis iomaíochta náisiúnta **soiléirithe sonracha a iarraigd ach amháin maidir leis** na nithe a leagtar síos i mír 2 sula mbeidh sé de cheangal acu iarratas iomlán a thíolacadh de bhun mhír 5.
4. Áiritheoidh na Ballstáit go ndéanfaidh na húdaráis iomaíochta náisiúnta a gheobhaidh iarratas achoimre a fhíorú cé acu a fuair nó nach bhfuair siad █ iarratas achoimre ar thrócaire █ nó iarratas **iomlán** ar thrócaire roimhe sin **ó iarratasóir eile** i dtaca leis an gcairtéal rúnda líomhnaithe céanna tráth a gheofar iarratais den sórt sin. *I gcás nach bhfuair údarás iomaíochta náisiúnta iarratas ar thrócaire den sórt sin agus ina measann sé go gcomhlíonann an t-iarratas achoimre ceanglainis mhír 2, cuirfidh* sé an t-iarratasóir ar an eolas dá réir sin.

5. 

*Tráth a gcuirfidh an Coimisiún na húdaráis iomaíochta náisiúnta lena mbaineann ar an eolas nach bhfuil sé i gceist aige an cás a shaothrú go hiomlán nó go páirteach, áiritheoidh na Ballstáit go dtabharfar deis do na iarratasóirí iarratais ionmlána ar thrócaire a thíolacadh □ do na húdaráis iomaíochta náisiúnta lena mbaineann. Ach amháin i gcúinsí eisceachtúla, nuair atá dianghá leis le haghaidh idirdhealú cásanna nó leithdháileadh cásanna, ní fhéadfaidh údarás iomaíochta náisiúnta an t-iarratas ionmlán a iarraidh ón iarratasóir sula gcuirfidh an Coimisiún na húdaráis **iomaíochta náisiúnta lena mbaineann** ar an eolas nach bhfuil sé i gceist aige **an cás a shaothrú** go hiomlán nó go páirteach. Beidh an chumhacht ag na húdaráis iomaíochta náisiúnta tréimhse réasúnta ama a shonrú ar lena linn nach mór don iarratasóir an t-iarratas ionmlán agus an fhianaise agus an fhaisnéis chomhfhreagrach a chur isteach. Ní dochar an méid sin do cheart an iarratasóra iarratas ionmlán a thíolacadh go deonach ag tráth níos luaithe.*
6. I gcás ina gcuirfidh an t-iarratasóir an t-iarratas ionmlán isteach i gcomhréir le mír 6 agus laistigh den tréimhse atá sonraithe ag an údarás iomaíochta náisiúnta, áiritheoidh na Ballstáit go measfar an fhaisnéis atá istigh ann a bheith curtha isteach ar an dáta agus ag an am a cuireadh an t-iarratas achoimre isteach, *ar choinníoll go* gcumhdaíonn an t-iarratas achoimre *an táirge nó na táirgí agus an chríoch nó na críocha céanna chomh maith le ré an chaitéil líomhnaithe chéanna* leis an iarratas ar thrócaire *a cuireadh isteach chuig an gCoimisiúin, a d'fhéadfadh a bheith tugtha cothrom le dáta.*

An t-idirghniomhú idir ***iarratais ar dhíolúine*** ó fhíneálacha agus smachtbhannaí ar dhaoine nádúrtha

1. Áiritheoidh na Ballstáit go ndéanfar █ stiúrthóirí, bainisteoirí agus baill foirne reatha agus iarstiúrthóirí, ***iarbhainisteoirí agus iarbhaill foirne eile*** de chuid iarratasóirí chuig údarás iomaíochta ar dhíolúine ó fhíneálacha a chosaint ***go hiomlán*** ar aon smachtbhannaí █ arna bhforchur in imeachtaí breithiúnacha ***riaracháin agus neamhchoiriúla, i ndáil lena rannpháirtíocht sa chairtéal rúnda a chumhdaítear leis an iarratas ar dhíolúine ó fhíneálacha, maidir le sáruithe ar dhlíthe náisiúnta lena saothraítear na cuspóirí céanna leis na cuspóirí a shaothraítear le hAirteagal 101 CFAE, sna cásanna seo a leanas:***
- (a) ***an t-iarratas ar dhíolúine ó fhíneálacha ón ngatóthas chuig an údarás iomaíochta a bhfuil an cás á shaothrú aige, comhlíonann an t-iarratas sin an tairseach fianaise a leagtar amach i bpóinte (b) agus (c) d'Airteagal 17(2);***
- (b) ***oibríonn na stiúrthóirí, bainisteoirí agus baill foirne eile sin i ndlúthchomhar i ndáil leis an méid sin leis an údarás iomaíochta atá ag leanúint den chás agus***
- (c) ***cuireadh iarratas ar dhíolúine ó fhíneálacha ón ngatóthas isteach sular chuir údarás inniuila na mBallstát na stiúrthóirí, na bainisteoirí agus na baill foirne eile lena mbaineann ar an eolas maidir leis na himeachtaí as a d'eascair forchur na smachtbhannaí dá dtagraítear sa mhír seo.***

2. *Airitheoidh na Ballstáit go ndéanfar stiúrthóirí, bainisteoirí agus baill foirne reatha agus iarstiúrthóirí, iarbhainisteoirí agus iarbhaill foirne eile de chuid iarratasóirí chuig údaráis iomaiochta ar dhíolúine ó fhíneálacha, go ndéanfar iad a chosaint ar aon smachtbhannaí arna bhforchur in imeachtaí breithiúnacha coiriúla, i ndáil lena rannpháirtíocht sa chairtéal rúnda a chumhdaítear leis an iarratas, maidir le sáruithe ar dhlíthe náisiúnta lena saothraítear na cuspóirí céanna leis na cuspóirí a shaothraítear le hAirteagal 101 CFAE, ar choinníoll go gcomhlíonann siad na coinníollacha a leagtar amach i mír 1 agus go gcomhoibreoidh siad go gníomhach leis an údarás ionchúisimh inniúil. Mura gcomhlíontar coinníoll an chomhair leis an údarás ionchúisimh inniúil, féadfaidh an t-údarás sin leanúint den imscrúdú.*
3. *D'fhone comhréireacht a áirithiú le prionsabail a gcóras dlíthiúil, ar prionsabail atá ann cheana, féadfaidh na Ballstáit a fhoráil, de mhaolú ar mhír 2, go bhfuil na húdaráis inniúla in ann gan smachtbhanna a fhorchur nó an smachtbhanna atá le forchur a mhaolú a mhéid a bheidh rannchuidiú na ndaoine aonair, dá dtagraítear i mír 1, le brath agus imscrúdú an chairtéil rúnda, níos treise ná an leas maidir le hionchúiseamh a dhéanamh agus/nó smachtbhannaí a fhorchur ar na daoine aonair sin.*

4. *Iomas go bhfeidhmeoidh an chosaint dá dtagraítear i mír 1, mír 2 agus mír 3 i gcásanna ina bhfuil níos mó ná dlínse amháin i gceist, déanfaidh na Ballstáit foráil i gcásanna ina bhfuil an t-údarás inniúil smachtbhannaí nó ionchúisimh i ndlínse nach dlínse an údaráis iomaiochta é a bhfuil an cás á shaothrú aige, déanfaidh údarás iomaiochta náisiúnta dhlínse an údaráis inniúil smachtbhannaí nó ionchúisimh an teagmháil is gá eatarthu a áirithiú.*
5. *Ní dochar an tAireagal seo do cheart na n-íospartach a d'fhulaing síobháil mar thoradh ar shárú ar dhlí na hiomaiochta cúiteamh iomlán a éileamh as an síobháil sin, i gcomhréir le Treoir 2014/104/AE.*

CAIBIDIL VII  
CÚNAMH FRITHPHÁIRTEACH

Airteagal 24

Comhar idir na húdaráis iomaíochta náisiúnta

1. I gcás ina ndéanfaidh na húdaráis iomaíochta náisiúnta riachán iniúchadh **nó agallamh** thar ceann údarás iomaíochta eile, agus mar gheall air, de bhun Airteagal 22 de Rialachán (CE) Uimh. 1/2003, tabharfar cead d'oifigigh agus do dhaoine tionlacain eile atá údaraithe ag an údarás iomaíochta náisiúnta **is iarratasóir** dul chuig an údarás iomaíochta náisiúnta iarrtha agus cabhrú leis go gníomhach san iniúchadh **nó san agallamh nuair a dhéanann an t-údarás iarrtha** na cumhactaí dá dtagraítear in Airteagal 6, **Airteagal 7 agus Airteagal 9 den Treoir seo a fheidhmiú, faoi mhaoirseacht oifigigh an údaráis iarrtha..**
2. **Airitheoidh na Ballstáit go dtabharfar de chumhacht do na húdaráis iomaíochta náisiúnta riachán ina gcríoch féin na cumhactaí dá dtagraítear in Airteagail 6 go 9 den Treoir seo a fheidhmiú, i gcomhréir lena ndlí náisiúnta ar son agus na n-údarás iomaíochta náisiúnta eile agus do chuntas na n-údarás sin le fail amach ar mhainnígh gnóthais nó comhlachais gnóthas na bearta imscrúdaitheacha agus cinntí ón údarás is iarratasóir, dá dtagraítear in Airteagail 6 agus 8 go 12 den Treoir seo, a chomhlíonadh. Beidh sé de chumhacht ag na húdaráis náisiúnta is iarratasóiri agus na húdaráis náisiúnta iarrtha faisnéis a mhalartú agus a úsáid mar fhaisnéis chun na críche sin, faoi réir na mbeart coimirce a leagtar amach in Airteagal 12 de Rialachán (CE) Uimh. 1/2003.**

## Airteagal 25

Iarrataí ar fhógra a thabhairt faoi réamhagóidí agus faoi ***dhoiciméid eile***

Gan dochar d'aon fhoirm eile fógra a thabharfaidh **údarás** is iarratasóir i gcomhréir leis na rialacha atá i bhfeidhm **ina** Bhallstát, áiritheoidh na Ballstáit go ndéanfaidh an t-údarás iarrtha, arna iarraidh sin ag an údarás is iarratasóir, fógra a thabhairt don eintiteas lena mbaineann thar ceann an údaráis is iarratasóir:

- (a) ***aon*** réamhagóidí in aghaidh an tsáraithe líomhnaithe ar Airteagail 101 agus 102 CFAE agus in aghaidh aon chinntí lena gcuirtear na hairteagail sin i bhfeidhm █ ;
  - (b) ***aon ghniomh nós imeachta eile a glacadh i gcomhthéacs imeachtai forfheidhmiúcháin ar cheart fógra a thabhairt ina leith i gcomhréir leis an dlí náisiúnta; agus***
  - (c) ***aon doiciméid ábhartha eile a bhaineann le hAirteagail 101 agus 102 CFAE a chur i bhfeidhm, lena n-áirítear*** doiciméid a bhaineann le forfheidhmiú cinntí lena bhforchuirtear fíneálacha nó íocaíochtaí pionósacha tréimhsíúla.
- █

## Airteagal 26

Iarrataí ar fhorfheidhmiú cinntí lena bhforchuirtear fineálacha  
nó íocaíochtaí pionósacha tréimhsíúla

1. Áiritheoidh na Ballstáit, arna iarraidh sin ag an údarás is iarratasóir, go bhforfheidhmeoidh an t-údarás iarrtha cinntí lena bhforchuirtear fineálacha nó íocaíochtaí pionósacha tréimhsíúla arna nglacadh i gcomhréir le hAirteagal 13 agus Airteagal 16 ag an údarás is iarratasóir. Ní bheidh feidhm ag an méid sin ach sa mhéid, *tar éis dó iarrachtaí réasúnta a dhéanamh ina chríoch féin, go gcinneann an t-údarás is iarratasóir* nach bhfuil dóthain sócmhainní ag an ngatóthas a bhfuil an fhíneáil nó an íocaíocht phionósach thréimhsíúil infhorfheidhmithe ina choinne i mBallstát an údaráis is iarratasóir *chun go bhféadfar an fhíneáil nó an pionós tréimhsíúil sin a aisghabháil.*
2. *I gcásanna nach gcumhdaítear le mír 1 den Airteagal seo, go háirithe cásanna nach bhfuil an gnóthas, a bhfuil an fhíneáil nó an íocaíocht phionósach thréimhsíúil infhorfheidhmithe ina choinne, bunaithe i mBallstát an údaráis is iarratasóir, déanfaidh na Ballstáit a fhoráil, arna iarraidh sin don údarás is iarratasóir, go bhféadfaidh an t-údarás iarrtha cinntí, lena bhforchuirtear fineálacha nó íocaíochtaí pionósacha tréimhsíúla, agus a ghlaicann an t-údarás is iarratasóir i gcomhréir le hAirteagal 13 agus Airteagal 16, go bhféadfaidh sé iad a fhorfheidhmiú.*

*Ní bheidh feidhm ag pointe (d) d'Airteagal 27(3) chun críocha na míre seo.*



3. Ní fhéadfaidh an t-údarás is iarratasóir iarraigdh ar fhorfheidhmiú a dhéanamh ach amháin *i gcás cinneadh críochnaitheach*.
4. Is le dlí **náisiúnta an Bhallstáit** is iarratasóir a rialófar ceisteanna faoi thréimhsí teorann d'*fhorfheidhmiú fíneálacha nó íocaíochtaí pionósacha tréimhsíúla*.

|

### *Airteagal 27*

#### *Prionsabail ghinearálta chomhair*

1. *Áiritheoidh na Ballstáit go ndéanfaidh an t-údarás iarrtha na hiarrataí dá dtagraítear in Airteagal 25 agus Airteagal 26 a fhorghníomhú i gcomhréir le dlí náisiúnta Bhallstát an údaráis iarrtha.*
2. *Déanfar iarrataí dá dtagraítear in Airteagal 25 agus Airteagal 26 gan moill mhíchuí trí bhíthin ionstraim aonfhoirmeach a mbeidh cóip den ghníomh a ndéanfar fógra ina leith nó atá le forfheidhmiú ag gabháil léi, agus léireofar an méid seo a leanas sa chóip sin:*
  - (a) *ainm an tseolaí agus an seoladh atá ar eolas ina leith, chomh maith le haon sonrai nó faisnéis eile chun an seoláí a shainaithint;*

- (b) *achoirme ar na fíorais agus na cúinsí ábhartha;*
  - (c) *cur síos ar an ngníomh atá ag gabháil léi;*
  - (d) *ainm, seoladh agus sonraí teagmhála eile an údaráis iarrtha; agus*
  - (e) *an tréimhse ar cheart fógra nó forfheidhmiú a thabhairt lena linn amhail spriocanna reachtúla nó tréimhsí teorann.*
3. *I gcás iarrataí dá dtagraítear in Airteagal 26, anuas ar na ceanglais a leagtar amach i mír 2 den Airteagal seo, léireoidh an ionstraim aonfhoirmeach:*
- (a) *faisnéis maidir leis an gcinneadh lena gceadaítear forfheidhmiú i mBallstát an údaráis is iarratasóir*
  - (b) *an dáta óna bhfuil éifeacht res judicata leis an gcinneadh;*
  - (c) *méid na fineála nó na híocaiochta pionósai tréimhsíúla; agus*
  - (d) *faisnéis lena léirítear na hiarrachtaí réasúnta a rinneadh an t-údarás is iarratasóir an cinneadh a fhorfheidhmiú ar a chríoch féin.*

4. *Is í an ionstraim aonfhoirmeach lena gceadaítear forfheidhmiú ag an údarás iarrtha an t-aon bhonn amháin a bheidh leis na bearta forfheidhmiúcháin a thabharfaidh an t-údarás iarrtha, ar choinnioll go gcomhlíonfar na ceanglais dá dtagraítear i mír 2. Ní bheidh an ionstraim faoi réir aon ghnímh arb é is aidhm dó an ionstraim sin a aithint, a fhorlionadh ná a athsholáthar sa Bhallstát den údarás iarrtha. Déanfaidh an t-údarás iarrtha na bearta uile is gá chun an t-iarratas seo a fhorghníomhú, mura rud é go ndéanann an t-údarás iarrtha mír 6 a agairt.*
5. *Áiritheoidh an t-údarás is iarratasóir go ndéantar an ionstraim aonfhoirmeach a sheoladh chuig an údarás iarrtha i dteanga oifigiúil nó i gceann amháin de theangacha oifigiúla an Bhallstáit den údarás iarrtha, nó in aon teanga eile arna haontú go déthaobhach idir an t-údarás iarrtha agus an t-údarás is iarratasóir ar bhonn cás ar chás. I gcás inar gá faoi dhlí an Bhallstáit den údarás iarrtha, cuirfidh an t-údarás is iarratasóir aistriúchán ar fáil den doiciméad a bhfuil fógra le tabhairt ina leith nó den chinneadh lena gceadaítear forfheidhmiú na fineála nó na híocaiochta pionósai tréimhsíúla, agus an t-aistriúchán sin go teanga oifigiúil nó go ceann amháin de theangacha oifigiúla an Bhallstáit den údarás iarrtha. Ní dochar an méid sin , do cheart an údárais iarrtha agus don údarás is iarratasóir gurb i dteanga ar bith eile arna haontú go déthaobhach idir an t-údarás iarrtha agus an t-údarás is iarratasóir ar bhonn cás ar chás a fhéadfá an t-t-aistriúchán a chur ar fáil.*

6. *Ní bheidh sé d'oibleagáid ar an údarás iarrtha iarraidh a fhorghníomhú dá dtagraítear in Airteagal 25 nó Airteagal 26 i gcás:*
- (a) *nach gcomhlíonann an iarraidh riachtanais an Rialacháin seo; nó*
  - (b) *ina bhfuil an t-údarás iarrtha in ann forais réasúnacha a thaispeáint ina léirítear go mbeadh sé sin contrártha go follasach do bheartas poiblí an Bhallstáit ina bhfuil an forsheidhmiú á iarraidh.*

*Má tá sé i gceist ag an údarás iarrtha iarraidh ar chúnamh dá dtagraítear in Airteagal 25 nó 26 a dhiúltú nó má theastaíonn faisnéis bhreise uaidh, rachaidh sé i dteagháil leis an údarás is iarratasóir.*

7. *Áiritheoidh na Ballstáit, i gcás ina n-iarrfaidh an t-údarás iarrtha é, go seasann an t-údarás is iarratasóir na costais bhreise réasúnta uile, lena n-áirítear costais aistriúcháin, saothair agus riacháin, maidir le gníomhartha a rinneadh dá dtagraítear in Airteagal 24 nó Airteagal 25.*

8. *Féadfaidh an t-údarás iarrtha na costais iomlána arna dtabhú maidir le gníomhaíocht a rinneadh dá dtagraítear in Airteagal 26 ó na fineálacha nó na híocaíochtaí pionósacha tréimhsíúla a bhaileigh sé don údarás is iarratasóir a aisghabháil, lena n-áirítear costais aistriúcháin, saothair agus riarcháin. Mura n-éiríonn leis an údarás iarrtha na fineálacha nó na híocaíochtaí pionósacha tréimhsíúla a bhaileú, féadfaidh sé iarraighe ar an údarás is iarratasóir na costais arna dtabhú a sheasamh.*

*Tá de chead ag na Ballstáit a fhoráil go bhféadfaidh an t-údarás iarrtha na costais arna dtabhú ó chinntí den sórt sin a fhorfheidhmiú a aisghabháil ón ngnóthas a bhfuil an fhíneáil nó an íocaíocht phionósach thréimhsíúil in-fhorfheidhmithe ina leith.*

*Déanfaidh an t-údarás iarrtha na méideanna atá dlite in airgeadra a Bhallstáit a aisghabháil, i gcomhréir leis na dlithe, rialacháin agus nósanna imeachta nó cleachtais riarcháin sa Bhallstát sin.*

*Déanfaidh an t-údarás iarrtha, más gá amhlaidh, i gcomhréir lena dhlí agus lena chleachtais náisiúnta, na fineálacha agus na híocaíochtaí pionósacha tréimhsíúla a chomhshó in airgeadra Bhallstát an údaráis iarrtha ag an ráta malaирte a bhfuil feidhm aige ar an dáta a forchuireadh na fineálacha nó na híocaíochtaí pionósacha tréimhsíúla.*

## Airteagal 28

Díospóidí a bhaineann le hiarrataí ar fhógra a thabhairt  
agus ar fhorfheidhmiú cinntí lena bhforchuirtear fineálacha nó íocaíochtaí pionósacha  
tréimhsíúla

1. Tiocfaidh díospóidí faoi inniúlacht chomhlachtaí inniúla **Bhallstát an údaráis** is iarratasóir agus rialófar iad le **dlí** náisiúnta an **Bhallstáit** sin:
  - (a) dlíthiúlacht birt a bhfuil fógra le tabhairt faoi i gcomhréir le hAirteagal 25 nó cinnidh atá le forchur i gcomhréir le hAirteagal 26; agus
  - (b) **an ionstraim aonfhoirmeach lena gceadaítear forfheidhmiú i mBallstát an údaráis iarrtha.**
2. Díospóidí a bhaineann leis na bearta forfheidhmiúcháin arna ndéanamh █ i mBallstát an údaráis **iarrtha** nó a bhaineann le bailíocht fógra arna thabhairt ag an údarás iarrtha, tiocfaidh siad faoi inniúlacht chomhlachtaí inniúla █ Bhallstáit **an údaráis iarrtha** agus rialófar iad leis dlí náisiúnta an **Bhallstáit** sin.

CAIBIDIL VIII  
TRÉIMHSÍ TEORANN

Airteagal 29

**Rialacha maidir le** tréimhsí teorann le haghaidh fineálacha nó iocaíochtaí pionósacha  
tréimhsíúla a fhorchur

1. Áiritheoidh na Ballstáit go ndéanfar na tréimhsí teorann do na húdaráis iomaíochta  
náisiúnta fineálacha nó iocaíochtaí pionósacha tréimhsíúla a fhorchur de bhun  
Airteagal 13 agus Airteagal 16 a chur ar fionraí **nó a bhriseadh** ar feadh fhad na n-  
imeachtaí forfheidhmiúcháin os comhair údaráis iomaíochta náisiúnta de chuid  
Ballstáit eile nó os comhair an Choimisiúin i dtaca le sárú lena mbaineann an  
comhaontú céanna, an cinneadh comhlachais céanna nó an cleachtas  
comhbheartaithe céanna nó iompar eile a thoirmisctear le hAirteagal 101 nó 102  
CFAE.

Déanfar **an tréimhse teorann** a chur ar fionraí nó a **bhriseadh** ón tráth a ndéanfar an  
chéad bheart imscrúdaitheach foirmiúil a fhogaírt do ghnóthas **amháin, ar a laghad,**  
atá faoi réir na n-imeachtaí forfheidhmiúcháin. Beidh **feidhm aige maidir le gach**  
**gnóthas nó comhlachas gnóthas a bhí rannpháirteach sa sárú.**

*Cuirfear deireadh leis an bhfionraíocht nó leis an mbriseadh ar an lá a chuireann an t-údarás deireadh leis na himeachtaí forsheidhmiúcháin, trí chinneadh a dhéanamh, dá dtagraítear in Airteagail 10, 12 nó 13 den Treoir seo nó de bhun Airteagail 7, 9 nó 10 de Rialachán (CE) Uimh. 1/2003, nó a chinneann sé nach bhfuil aon fhoraí le tuilleadh gníomhaíochta uaidh.* Ní dochar ré na fionraíochta **nó na bristeacha** do dhearbhthréimhsí teorann dá bhforáiltear faoin dlí náisiúnta.

2. An tréimhse teorann le haghaidh fineálacha nó íocaíochtaí pionósacha tréimhsíúla a fhorchur **ag údarás iomaíochta náisiúnta**, cuirfear ar fionraí í **nó brisfear í** fad atá cinneadh an údaráis **sin** faoi réir imeachtaí atá ar feitheamh os comhair cíurt athbhreithnithe.
3. *Áiritheoidh an Coimisiún go gcuirfear fógra maidir le túis beart imscrúdaitheach foirmiúil a fhaightear ó údarás iomaíochta náisiúnta faoi Airteagal 11(3) de Rialachán (CE) Uimh. 1/2003 ar fáil d'údaráis iomaíochta náisiúnta na mBallstát eile sa Ghréasán Eorpach Iomaíochta.*

CAIBIDIL IX  
FORÁLACHA GINEARÁLTA

Airteagal 30

Ról na n-údarás iomaíochta náisiúnta riarcháin os comhair cúirteanna náisiúnta

1. Na Ballstáit a ainmneoidh idir údarás iomaíochta náisiúnta riarcháin agus údarás iomaíochta náisiúnta breithiúnach chun Airteagail 101 agus 102 CFAE a fhorfheidhmiú, áiritheoidh siad go bhféadfaidh an t-údarás iomaíochta náisiúnta riarcháin an chaingean a thabhairt go díreach os comhair an údaráis iomaíochta náisiúnta bhreithiúnaigh.
2. A mhéid a bheidh na cúirteanna náisiúnta ag gníomhú mar chúirteanna athbhreithnithe in imeachtaí arna dtionscnamh in aghaidh □ cinntí *arna ndéanamh ag* údaráis iomaíochta náisiúnta *lena ndéantar na cumhachtaí dá dtagraítear i gCaibidil IV agus in Airteagail 13 agus 16 den Treoir seo a fheidhmiú chun* Airteagal 101 CFAE nó Airteagal 102 CFAE a chur i bhfeidhm, *lena n-áirítear forfheidhmiú fineálacha nó íocaiochtaí pionósacha tréimhsíula arna bhforchur i dtaca leis an méid sin*, áiritheoidh na Ballstáit go mbeidh teidlíocht ionlán ag an údarás iomaíochta náisiúnta as féin chun páirt a ghlacadh sna himeachtaí sin *de réir mar is iomchuí*, mar ionchúisitheoir, mar chosantóir nó mar fhreagróir agus go mbeidh aige na cearta céanna le páirtí poiblí den sórt sin sna himeachtaí sin.

3. *Tabharfar de chumhacht don údarás iomaíochta náisiúnta riachánach a chomharc a dhéanamh, leis na cearta céanna a leagtar amach i mír 2, i gcoinne:*
- (a) *cinntí ó chuirteanna náisiúnta lena bhfógraítear cinntí a bhaineann le hAirteagal 101 CFAE nó Airteagal 102 CFAE a chur i bhfeidhm, dá dtagraítear i gCaibidil IV agus Airteagail 13 agus 16 den Treoir seo, lena n-airítear forfheidhmiú fineálacha agus iocaiochtaí pionósacha tréimhsíula a forchuireadh i ndáil leis an méid sin; agus*
  - (b) *diúltú ó údarás breithiúnach náisiúnta réamhúdarú d'imscrúdú a dheonú dá dtagraítear in Airteagal 6 agus Airteagal 7 den Treoir seo, a mhéid is gá údarú den sórt sin.*

Airteagal 31

*Rochtain ar an gcomhad ag páirtithe agus teorainneacha maidir le faisnéis a úsáid*

1. *Féadfaidh na Ballstáit a fhoraíl, i gcás ina n-éillíonn údarás iomaíochta náisiúnta ar dhuine nádúrtha faisnéis a thabhairt ar bhonn bearta dá dtagraítear i bpointe (e) d'Airteagal 6(1), Airteagal 8 nó Airteagal 9, ní úsáidfear an fhasnéis sin mar fhianaise chun smachtbhannaí a fhorchur ar an duine nádúrtha sin nó ar gharghaolta leis an duine sin.*

2. Áiritheoidh na Ballstáit nach ndéanfar na húdaráis iomaíochta náisiúnta, a noifigigh, a bhaill foirne ná aon duine eile a oibríonn faoi mhaoirseacht na n-údarás sin, faisnéis a fuarthas ar bhonn na gcumhachtaí dá dtagraítear sa Treorach seo agus faisnéis atá cumhdaithe faoi oibleagáid na rúndachta gairmiúla a noctadhl, ach amháin i gcásanna ina cheadaítear noctadhl den sórt sin faoin dli náisiúnta.
3. Áiritheoidh na Ballstáit nach dtabharfar rochtain █ ar na ráitis trócaire ná ar na haighneachtaí socraíochtaí **ach do pháirtithe faoi réir na n-imeachtaí ábhartha agus** chun críocha a gcearta cosanta a fheidhmiú amháin █ .
4. Áiritheoidh na Ballstáit nach féidir leis an bpáirtí dar tugadh rochtain ar an gcomhad **maidir le himeachtaí** forfheidhmiúcháin **na n-údarás iomaíochta náisiúnta** úsáid a bhaint as faisnéis arna tógail ó na ráitis trócaire █ agus aighneachtaí socraíochta ach amháin nuair is gá sin chun a chearta cosanta a fheidhmiú in imeachtaí os comhair chúirteanna na mBallstát i gcásanna a bhaineann go díreach leis an gcás ar deonaíodh an rochtain ina leith, agus a bhaineann leis an méid seo a leanas:
- (a) leithdháileadh fineála idir rannpháirtithe cairtéil a d'fhorchuir údarás iomaíochta náisiúnta orthu i gcomhpháirt agus go leithleach; nó

- (b) athbhreithniú ar chinneadh a rinne údarás iomaíochta náisiúnta gurbh ann do shárú ar *Airteagal* 101 CFAE **nó** *Airteagal* 102 CFAE nó ar fhórálacha den dlí iomaíochta náisiúnta.
5. Áiritheoidh na Ballstáit maidir leis na catagóirí faisnéise seo a leanas arna bhfáil ***ag páirtí*** le linn imeachtaí forfheidhmiúcháin os comhair údarás iomaíochta náisiúnta, nach n-úsáidfidh ***an páirtí sin*** in imeachtaí os comhair na gcúirteanna náisiúnta iad sula mbeidh deireadh curtha ag an údarás iomaíochta náisiúnta lena chuid imeachtaí i gcoinne gach páirtí atá faoi imscrúdú trí chinneadh a ghlacadh dá dtagraítear in Airteagal 10 go 12 nó sular chuir sé deireadh lena imeachtaí ar shlí eile:
- (a) faisnéis a d'ullmhaigh daoine nádúrtha nó dlítheanacha eile i gcomhair imeachtaí forfheidhmiúcháin an údarás iomaíochta náisiúnta go sonrach; □
- (b) faisnéis a tharraing an t-údarás iomaíochta náisiúnta suas agus a chuir sé chuig na páirtithe le linn na n-imeachtaí forfheidhmiúcháin ; ***agus***
- (c) ***aighneachtaí socraíochtaí a tarraigíodh siar.***

6. Áiritheoidh na Ballstáit nach malartófar na ráitis trócaire ach idir údaráis iomaíochta náisiúnta de bhun Airteagal 12 de Rialachán (CE) Uimh. 1/2003:
- (a) le toiliú an iarratasóra; nó
  - (b) i gcás ina bhfuil iarratas ar thrócaire a bhaineann leis an sárú céanna faigte ón iarratasóir céanna ag an údarás a gheobhadh ráiteas agus ag údarás a tharchurtha, ar choinníoll nach bhfuil, tráth a dtarchuirfí an fhaisnéis, an deis ar fáil don iarratasóir an fhaisnéis a tharraingt siar a chuir sé faoi bhráid an údaráis sin a gheobhadh ráiteas; nó
- 
7. Beidh feidhm ag mír 3 **go mír 6** gan beann ar an bhfoirm ina gcuirfear isteach na ráitis trócaire de bhun Airteagal 20.

## Airteagal 32

Inghlacthacht fianaise os comhair údaráis iomaíochta náisiúnta

Áiritheoidh na Ballstáit go n-áireofar doiciméid, ráitis ó bhéal, ***teachtaireachtaí leictreonacha***, taifeadtaí agus gach mír eile a chuimsíonn faisinéis, beag beann ar an bhfoirm ***ina bhfuil sé*** agus ar an meán ina bhfuil an fhaisnéis stórálte, ar na cineálacha cruthúnais atá inghlactha mar fhianaise os comhair údarás iomaíochta náisiúnta.

## Airteagal 33

Oibriú an Ghréasáin Eorpaigh Iomaíochta

1. Is as buiséad ginearálta an Aontais, faoi chuimsiú na leithreasuithe atá ar fáil, a fhreastalófar ar na costais a thabhóidh an Coimisiún i dtaca le cothabháil agus forbairt a dhéanamh ar chóras an Ghréasáin Eorpaigh Iomaíochta agus le comhar laistigh den Ghréasán Eorpach Iomaíochta.
2. ***Beidh an Gréasán Eorpach Iomaíochta in ann forbairt agus, i gcás inarb iomchuí, dea-chleachtais agus moltaí a fhoilsiú ar ábhair amhail an neamhspleáchas, acmhainní, cumhachtaí, fineálacha agus cúnamh frithpháirteach.***

CAIBIDIL X  
FORÁLACHA CRÍOCHNAITHEACHA

Airteagal 34

Trasuí

1. Déanfaidh na Ballstáit na forálacha reachtaíochta, rialúcháin agus riarracháin is gá chun an Treoir seo a chomhlíonadh a thabhairt i bhfeidhm faoin ... [dhá ***bhliain tar éis dáta theacht i bhfeidhm na Treorach seo***] . Cuirfidh siad an Coimisiún ar an eolas *faoi sin láithreach*.

Nuair a glacfaidh na Ballstáit na ***bearta*** sin, beidh tagairt iontu don Treoir seo nó ***beidh*** tagairt den sórt sin █ ag gabháil leo tráth a bhfoilsithe oifigiúil. ***Leagfaidh na Ballstáit síos an bealach a ndéanfar*** tagairtí den sórt sin.

2. Déanfaidh na Ballstáit téacs phríomhbhearta an dlí náisiúnta a glacfaidh siad sa réimse a chumhdaítear leis an Treoir seo a chur in iúl don Choimisiún.

*Airteagal 35*  
*Athbhreithniú*

*Faoin ... [sé bliana tar éis dáta glactha na Treorach seo], cuirfidh an Coimisiún tuarascáil faoi bhráid Pharlaimint na hEorpa agus faoi bhráid na Comhairle maidir le trasuí agus cur chun feidhme na Treorach seo. Nuair is iomchui, féadfaidh an Coimisiún athbhreithniú a dhéanamh ar an Treoir seo agus, más gá sin, féadfaidh sé togra reachtach a thíolacadh.*

Airteagal 36  
Teacht i bhfeidhm

Tiocfaidh an Treoir seo i bhfeidhm an fichiú lá tar éis lá a foilsithe in *Iris Oifigiúil an Aontais Eorpaigh*.

Airteagal 37  
Seolaithe

Díritear an Treoir seo chuig na Ballstáit.

Arna déanamh in/sa ...,

*Thar ceann Pharlaimint na hEorpa*

*An tUachtaráin*

*Thar ceann na Comhairle*

*An tUachtaráin*